

373 / 1

# CANON

VITAE SPIRITUALIS,

Authore Ludouico Bloſio

*Abbate monaſterij Latiensis, ordinis  
Sancti Benedicti.*

*In ſole poſuit tabernaculum ſuum.*



*Louani*  
*Ex officina Bartholomei Grauij*

1549

Cum C.M. Priuilegio.

41.8.66

12.34.C.18

# Tenor Priuilegij

## C A E S A R E I.

**C**A R O L V S Quintus diuina prouidentia, Romanorum Imperator semper Augustus, ac Germaniæ, Hispaniarum, Castellæ, & cæt Rex. Exhibita fuit nobis supplicatio à Bartholomæo Grauiο librario Louaniensi iurato, & secundùm nostram proximam ordinationem Typographo, quæ indicabat se imprimere cupere Canonem vitæ spiritualis, Ludouici Blosij Abbatis Monasterij Lætiensis, ordinis sancti Benedicti, ac eiusdem Psychagogiæ, hoc est, Animæ recreationem ac Collyrium Hæreticorû, atque eiusdem Cimeliarchion piarû precularum, cum canone vitæ spiritualis, nouiter ædita: & à Domino Ruardo Tapper sacræ Theologiæ professore, alniæ Vniuersitatis Louaniensis Cancellario, & Decano S. Petri visitata & approbata. His rebus moti, illius supplicationi consensimus, annuimus, & tribuimus his nostris literis, vt prædictum Canonē vitæ spiritualis Ludouici Blosij Abbatis Lætiensis, cum alijs libellis supra dictis excudere pergat, excusum vendat & distribuatur per omnes nostras ditiones. Prohibentes vniuersis Typographis, Bibliopolis, aliisque vniuersis, ne prædictum Canonē, vit. spir. cum alijs in nostra ditione excudant, aut alibi excusum, vendant, aut distribuant intra tempus quatuor annorum proximè sequentium, sub pœna in literis nostris dicta. Mandamus igitur omnibus officiariis, & administris iustitiæ per Brabantiam, vt illum in suo priuilegio adiuuent, & tueantur, vt latius patet in literis illi à nobis concessis. A N N. 1549. Maij. 25. Bruxellis.

Subsignatum

Per Cæsarem ad relationem Consiliariorû.

P. de Lens.

sto patri ac domino, D. Francisco Qui-  
gonio, Titul. sanctę crucis Cardinali,  
Ludouicus Blossius humilis  
Abbas monasterij Læ-  
tensis, S. D.

**E**GO hisce diebus incômpto vulgariq̃ue  
stilo, Canonē vitę spiritualis mihi cōscri-  
pseram Præsul integerrime, mihi eū ex di-  
uersis patrū monumētis collegeram, vt semper  
haberē ad manū veluti breuē quandā amussim,  
ad quā vitę meę rationem exigerē. Id quicquid  
est opellę, offero dicoq̃; tuę humanitati, hoc le-  
uidē si munusculo tuā venerandā sanctitatē salu-  
to. Non est quod verear ne offendaris impolita  
libelli dictiōe, maximē quū sis studiosissim⁹ atq̃;  
amātissimus sacrarū literarū quas non sermonis  
exterior ornatus, sed interior veritatis fruct⁹ cō-  
mendat. Omnino futurū confido, vt hæc facilē  
admittas, quę ineleganter quidē, non tamē inuti-  
liter fortē scripta sunt. Sane talē me esse profite-  
or, qui aliquid faciūdē dicere neq̃; possem si vel-  
lem, neq̃; vellē si possem. Pietati admodū amica  
est simplicitas, sitq̃ue nescio quo pacto, vt verba  
curiosius exulta cor plerūq̃; non tā penetrēt q̃  
demulceāt. Totū opusculū nihil aliud est quàm  
farrago quędam piorū documentorū: ego illud  
partitus sum in capita, vt lector subindē inter-  
quiescat & respiret. Dominus noster Iesus Chri-  
stus tuam R. P. felicem seruare dignetur. Datū  
Lxtijs, Calendis Mañ, Anno à Christo nato  
M. D. XXXIX.

A ñ CANO-

# Canonis vitæ

## Spiritualis.

### CAP. I.



**D**E V M time & ama. Omni diligencia custodi cor tuum: vbiq; cura vt illud purū habeas: semper sollicitus esto ne peccando ipsum Dominum offendas. Veruntamen si peccaueris, de eius misericordia nō diffidas. Quantumuis multa atque enormia fuerint peccata tua nunquam de venia desperaueris. Corruisti? surge, conuerte te ad medicum animæ tuæ: & viscera pietatis eius tibi patebunt. Iterum corruisti? iterum surge, gemitu, clama: & miseratio redēptoris tui te suscipiet. Corruisti tertio, & quarto, & sæpius? surge rursus, plange, suspira, humiliare: & Deus tuus non te deseret. Nunquam despexit neque despiciet vnquam cor cōtritum: nunquā reiecit, neque reñciat vnquā confugientes ad se per veram pœnitentiam. Si non desinis surgere: ille non desinet te excipere. Quare, etiam si centies, etiam si millies intra vnius horulæ spatium lapsus fueris, toties cū sancta veniæ spe resurge, quoties cadis: & resurgens gratias age ipsi Domino, quod te vel grauius corruere, vel in ruina diutius iacere non permiserit. Etiam si post innumera gratiæ beneficia accepta Deū (quod absit)

abſit) abnegaueris, & eius ſacramenta pedibus conculcaueris: agnoſce humiliter culpam, deteſtare facinus, animo propone non amplius peccare, firmiter ſtatue meli<sup>9</sup> viuere: & de venia ſecurus eſto. Neq; enim tua malitia aut infirmitas tanta eſſe poteſt, vt miſericordiam Dei ſuperet, quæ modum & terminos nō nouit. Deus eſt omnipotens, pari facilitate innumeras peccatorum myriades in momento remittit, ſicut vnum peccatum. Eſt & benigniſſimus: omnino vult tibi parcere, vult eſſe propitiuſ, ſi vis humiliari, ſi vis à peccatis abſtinere, vitamq; corrigere. Ergo nō te conturbet delictorum præteritorum memoria: ſed conſolentur verba Apoſtoli dicentis. Hæc aliquādo quidem fuiſtis: ſed abluti eſtis, ſed ſanctificati eſtis, ſed iuſtificati eſtis in nomine domini noſtri Ieſu Chriſti, & in ſpiritu Dei noſtri. Nō poteſ bonitati illius nimis fidere, modo nō abutaris ea ad peccandi facilitatem. O ſi ſcires quā paratuſ ſit ipſe Chriſtuſ Dominuſ ſua innocentia Deum patrem placare, eiq; reconciliare, ſuos electoſ, qui ex humana fragilitate peccarunt, & ſtatuunt deinceps peccata vitare. Noſter aduocatuſ eſt, & loquitur pro nobis: vt malorū poenitenteſ, facilimam ſemper obtineamus veniam. Sic enim Iohanneſ electuſ ille diſcipuluſ ait, Si quiſ peccauerit, aduocatū habemuſ apud patrem, Ieſum Chriſtum, & ipſe eſt propitiatio pro peccatiſ noſtriſ. Igitur ſcelera tua nō puſilla nimē, ſed humilē te efficiant: quādoquidē iam id quod malū eſt, odiſti, & Deo placere deſideraſ.

# CANON VITÆ

## CAPVT II.

**I**Vxta scripturę admonitionem, Senti de Domino in bonitate. Non crudelem, non inexorabilem illum esse suspiceris : sed cum esse pium, clementē, dulcem, & liberalem his qui ex corde resipiscūt, quiq; bonę voluntatis sunt, crede. Cognoscit enim figmentum suum, contemplatur imaginem suam, considerat fragilitatem nostram, errorē nostrū, cæcitatē nostrā. Quod autē terribilis esse, aut in furore impios arguere dicitur, non propter se, sed propter illos dicitur, qui sancto pudore abiecto in vitiorū sordibus persistunt: quorum ipse peccata à sua dulcedine atq; puritate alienissima propulsat ac punnit: tranquillus interim & suavis in se permanēs. Tu igitur dum illū cogitas, omnē terroris aut amaritudinis conceptū excludere: & ipsum misericordissimo benignissimoq; oculo intueri ea quę creauit, persuasum habere: qui etiā ita tibi intēdit, ita tui curā iugiter habet, quasi tu solus in toto terrarū orbe viueres. Timeāt Dei iustitiā ac furorē, qui ad Deum non cōuertuntur, qui peccata peccatis cumulant, & dicunt, quid feci? qui nolunt intelligere vt bene agant. Hi enim ad irā ei⁹ spectāt, q̄diu tales permanēt. At peccatores qui in se reuērsi surgūt, atq; ad patrē misericordiarum conuersi ex corde dicunt, Pater peccaui in cœlū & corā te, miserere mei: hi inquā peccatores cōfidant in Domino. Nā ipse procul dubio eos suscipiet, susceptos iustificabit, & iustificatos in regnū suū aliquando admittet. Cōprehēdi nō potest

potest. quāta charitate, quā paternis visceribus ubiq; nostram salutē ipse desideret ac procuret. Nulla vnquam mater tam tēnere dilexit filium vteri sui, quā tēnere ille nos diligit. Fasciculus stuparum in ingentē ignem missus, nō ita repente incenditur, quā repente Deus peccatis nostris propter ineffabilem pietatem & misericordiam suam ignoscit, dum verē nos pœnitet vitæ malæ actę, dumq; ad eum humiliter conuersi veniam petimus, integra voluntate statuentes melius deinceps viuere. Neq; enim vult mortē peccatoris, sed magis vult vt conuertatur peccator & viuatur. Si confiteamur (inquit scriptura) peccata nostra, fidelis est & iustus, vt remittat nobis peccata nostra, & emundet nos ab omni iniquitate. Quanto plura, quāto grauiora sunt ipsa peccata quæ condonat, & quanto indigniores miserabilioresq; sumus nos quibus ignoscit: tanto gloria eius magis elucescit. Et quis inenarrabilem bonitatem illius dignē admirari, quis pro ea dignē gratias agere queat? Nam quum nemo ad salutem perueniat, qui non vel tantillum charitatis habeat, vt ex amore Dei saltem in extremo vitæ positus pœnitentiam agat, auerseturque peccata: ecce ipse misericordissimus, hominumque amantissimus Deus, sæpe se vsque adco benignum & amabilem etiam desperatissimis peccatorib<sup>9</sup> (quos alicui<sup>9</sup> virtutis merito insignitos esse cognoscit) sub mortē exhibet, vt illi ex intimis præcordiis doleant quod offenderint tam pium conditorē atq; redemptorē. Per

A iij quam

## CANON VITÆ

quam nimirum pœnitentiam apti redduntur ad salutem consequendam, & peracta tali peccatorum purgatione, qualem diuina iustitia requisierit, in æternum cœlestis regni gaudium introducuntur. Profecto in altissimo secretissimoq; profundo latet fons ille inexhaustus, vnde tanta pietas ad nos dimanat, vnde tanta misericordia super nos effunditur: de qua qui desperat, Deū bonum & veracem esse negat, in spiritum sanctum blasphem⁹ est. Diabolus hoc malignitatis dolo ferè vti cōsuevit, vt ei qui peccare statuit, ipsum Dominum clemētissimum & misericordiissimū esse polliceatur: vbi verò peccato admissō pœnitentiam agere voluerit, iam illum implacabilē nimiumq; seuerum esse, modis omnib⁹ suadeat. Sed audiendus non est callidus impostor.

Quare bono esto animo, & nihil te à sancta spe deiciat, quantumcunque etiam peccaueris. Veruntamen vide ne te ipsum fallas, & veniam indubitatam tibi promittens, in malis perseueres resipiscereq; differas. Nam multi hac persuasione decepti pereunt. Tibi quidem promittitur peccatorum remissio, si etiam in extremo vitæ articulo positus, verè, id est, ex amore Dei magis q̃ metu supplicij pœnitentiam egeris: non tamē tibi promittitur futurum, vt tunc verè pœnitentiam agas. Sane huiusmodi pœnitentia, quæ vsq; ad vitæ extrema differtur, dubia admodum est, periculosa est, nō semper vera est. Vt igitur morte præsentē securus hinc emigres, pœnitentiam age, corrige vitam interim dum sanus es, & adhuc



huc peccare potes. Nam si tunc demum peccare desinis, quando amplius peccare non potes, nō tu peccata deferis, sed peccata te deserunt.

## CAPVT III.

**S**I grauiter ægrotas, si superbię, vanę glorię, iracundię, inuidentię, gulę, auaritię, vel cuiuslibet alterius vitij morbo periculosius laboras, non propterea spem salutis abieceris: sed accede cum fiducia ad cœlestem medicum, accede ad Iesum, roga vt manū adhibere dignetur. Misericordissimus est, pijsissimus est, nō refugit, non à se repellit infirmos, nō eorum consortiū abhorret, sed vltra quàm dici possit eorum commiserescit. Omnino paratus est te sanare, modo morbum aperias, modo sanitatē ex animo desideres, modo te humilies, & in eo confidas. Non fueris etiam nimiū pusillanimis propter quotidianā peccata quę inuitus committis. Nam quęadmodum singulis diebus in multis saltem leuiter offendimus: ita quotidianas expiationes habemus in promptu, quibus huiusmodi peccata deleantur. Est sancta confessio, est gemitus, est fletus, est sacra lectio seu verbum Dei, est elemosyna, est hospitalitas, est oratio qua Domino dicimus, Dimitte nobis debita nostra, sicut & nos dimittimus debitoribus nostris: sunt alię præcationes, alięq; pietatis, misericordię, & charitatis opera. Ergo culpam tuam agnosce, plāge, suspira, renoua propositum, placidē ad hoc labora, vt ipsas offensas euites: reliquum Deo committens, teq; in eum proijciens. Ipse enim inseru

A v tabili

## CANON VI TÆ

tabili sapientiæ suæ cōsilio sæpe huiusmodi negli-  
gentiarū nequos nobis inhærere permittit, vt sem-  
per humiliemur, & de nobis penit<sup>9</sup> diffusi in eo  
speremus: vtq; vitijs ipsis viriliter resistētes, vti-  
liter exerceamur, & tandē gloriose coronemur.  
Aliud est labi in leuia peccata ex occasione aut  
humana fragilitate duntaxat: & aliud labi ex af-  
fectata negligentia. Nam qui ex infirmitate sola  
delinquit, dum liber apud semetipsum est, odit  
vitia, eorumq; vitat occasiones: quando tamen  
se se offerunt ipse occasiones, facile aut linguæ  
incontinentia, aut sensuum nimia libertate, aut  
passione affectioneque indigna, aut consimili  
aliqua transgressione offendit: sed mox vt ad-  
feredierit, dolet, & penitus auersatur vel mi-  
nimam peccatorum labem, ob idque veniā re-  
pente cōsequitur. Ille verò qui ex affectata ne-  
gligentia peccat, dum malorum occasionibus è  
medio sublati, liber apud semetipsum esse po-  
test, miris modis cōcupiscit easdem occasiones,  
illisque plurimum afficitur, non sane propter  
peccatum, sed propter oblectationem. Labi-  
tur quidem & ipse ex fragilitate fortassis, sed nō  
ex mera fragilitate. Qui tamen si statim post cul-  
pam admissam innouato proposito vere pœni-  
tentiam ageret, ipse quoque celerrimè obtine-  
ret delicti remissionem. Multos etiam graui-  
ter corruiere sinit Deus, vt proprio casu cruditi  
meliores reddantur. Nemo tamen post ruinam  
melior resurgit, quàm futurus erat si & non ce-  
cidisset, & omnia illa eadem bona quæ post la-  
psum

psum facit, non labendo faceret. Scito autem quia ipsa leuiora peccata efficacius in te delebuntur, si culpam agnoscens humiliter & amanter te ad Deum conuerteris, quàm si ea morosius apud temetipsum pertractare, & in eorum consideratione diutius cum pusillanimitate occupari volueris. Siue graua, siue leuia sint, constanter permane in sancta erga Deum fiducia: proniciens illa in abyssum misericordiarum ei⁹, vt ibi penitus absumentur & depereant. Nihil enim damnationis est his qui sunt in Christo Iesu, qui non secundum carnem ambulant: quin potius iustificati in sanguine eius, salui erunt ab ira per ipsum.

## CAPVT III.

**N**ON cōturberis quòd pro ipsis delictis tuis nō possis fortè offerre Deo sensibili cordis contritionē. Nā si dolor in ratione & voluntate est, si verè tibi displicet quod benignissimū Deū tuū offenderis, si doles quod nō magis doleas, si statuis deinceps melius vivere: istiusmodi contritio Domino gratissima est, licet cor aridū permaneat. Posset mens etiam in momento sic odisse peccatum, vt mox adepta perfectam veniam cœlis digna efficeretur. Si desunt exteriores lachrymæ, non desint interiores: sine illis potes peccata tua plangere ac placere Deo, sine his non potes. Non autem cares interioribus lachrymis, quādo ex animo tibi displicet Dei offensio, quando mēte prorsus auersaris vitia, quādo deū magno affectu queris,  
&

## CANON VITÆ

& ad eum suspiras. Quicquid bonorum operū potes perficere, diligenter perfice: non tamen eo animo, quasi tu ex te pro peccatis tuis dignè Deo satisfacere valeas: sed omnia perage vt illi placeas quem offendisti. Dominum Iesum precare, vt ipse sua innocentissima passione tuas iniquitates delere, & pro eis coram patre suo satisfacere dignetur. Salutem tuam constitue in adoptione filiorum quam per incarnationē & præciosi sanguinis effusionem mortemq; illius consequuti sumus. Sane non negamus neque reiçimus operum merita, quod modo faciunt hæretici: sed dicimus spem omnem præcipuè in meritis Iesu Christi esse reponendam. Nos pusillanimes & deiectos hæc verba beati Pauli Apostoli releuare debent, Fidelis, inquit, sermo, & omni acceptione dignus, quia Dominus Iesus Christus venit in hunc mundum peccatores saluos facere. Dedit semetipsum pro nobis, vt nos redimeret ab omni iniquitate, & emundaret sibi populum acceptabilem, sectatorem bonorum operum. Secundùm misericordiam suam saluos nos fecit: vt iustificati gratia ipsius, hæredes simus secundùm spem vitæ æternæ. Prorsus fidelis sermo. Ipse quum Deus esset, etiam homo propter nos fieri voluit: propter nos nat⁹, passus & mortuus est: propter nos resurrexit: propter nos ascendit in cælum. In eo iam resurreximus: in eo misera hæc caro iam resuscitata, & à corruptione liberata est: in eo iam conscendimus in cælum, & hæreditatem regni obtinemus. Quo enim caput

put præcessit, sequetur & reliquū corporis. Plane sermo omni acceptione dignus, suauiter penetrās ipsas medullas interioris hominis. Nostra humilitas, qua indignitatē propriam agnoscim⁹, & qua imperfecta, viliaq; esse iudicamus ea quæ rectē facimus, nostra item erga Deū pia fiducia qua in eo speramus, merita vitæ ac passionis eius extollentes: præcellit omnes satisfactionis nostræ labores. Necesse tamē est vt semper faciamus quod commodē facere possumus, & recta quæ agimus, non nobis sed illi adscribamus, sine quo nihil facere possumus. Ipse Dominus bonū dat: & quod donauit, coronare vult.

## CAPVT V.

**S**I te persequitur diabolus, si suis sordibus spiritum tuum affligit, si ea quæ aliquando volens admisisti, iam inuitus tolerare cogis, id te non perturbet. Quicquid præter voluntatem tuam sustines, non te perdet, neq; Deū tibi reddet offensum. Oportet enim peccatum esse voluntarium, quod si voluntarium non est, etiam peccatum nō est. Resiste, renitere, voluntatem tuam à cōsensu serua liberam: & deinceps sine diabolū atque carnem furere. Quamuis in inferioribus ferinisq; animæ viribus nonnūquam vel oblectatio vitiosa ex prosperis, vel tristitia inordinata ex aduersis oriatur, quamuis inanis gloriæ, iræ, vel cuiuslibet alterius vitij impetum in te sentias, quāuis ad obediendum minus paratum te inuenias: id nihil profectui spiritali obest, nihil vitę integritatē minuit, modo  
in su-

## CANON VITÆ

in superiori mentis ratione quietus imperturbatusq; perseueres, & voluntate Deo adhareas: nusquam cōsentiens absurdis affectionū passionūq; motibus. Ea quæ ad fidē spectant, certiora esse credito, his quæ oculis cernuntur. Quod si nolēs veluti vacillare mutareq; cōperis, cōfuge ad Deū, & humiliter exclama: Credo Domine, adiuua incredulitatem meam. Ipsum satanam impia vel fœda suggerentē contemne. Oppone salutiferū dominicæ crucis signū: & cogitationē tuam à pestilenti suggestionē auertens, pium aliquid apud te pertracta. Indignum existima illū, cui obgannienti respondeas. Quod si vacat & libet aliquid dicere, dicito istud, aut simile quippiam: Obmutesce os impudēs: abi scelestē cum tua impietate, tuaque spurcitia. Ego te non audio: nihil mihi tecum ō infœlix. Deo quoque dicito: Domine adiuua me: ego enim malim milles mortē subire, quàm iniquitati cōsentire: malim hic non viuere, quàm te offenso, tuaq; gratia perdita male viuere. Si ad vanā gloriam allicit animus serpēs astutus, recole peccatorum tuorum multitudinem atq; enormitatem: si diffidentiam suadet, veniat tibi in mentem abyssus misericordiarū Dei, & singularis ipsius erga te amor ac pietas. Si inepta aliqua insusurraverit de prædestinatione, aut de alijs sanctæ Trinitatis consilijs atque iudicijs, quæ à nobis perquiri nō debent, tu spretis & consputis canis impuri latratibus, conuerte te ad Deum, & eius dispensationi ac pietati omnia committe: prorsus persuasum habens

habens illum tuæ salutis esse desideratissimum. In laqueū periculosum se iniiciunt, qui ipsa Dei iudicia temerè perscrutari audēt. Certum est ea quæ facit, quæ ordinat, quæ permittit Dominus esse iusta: hoc tu crede, hic siste, nihil ultra perquirens. Si dormiens miseram illam colluviē, aut alioqui aliquid minus hocstū passus fueris, ne collabaris animo: neque enim tibi imputabitur, modo cuigilans & rationis compos factus, illud quod sordidum est abomineris. Tibi inquam, non imputabitur: quantumuis per impuritatem vitæ prioris, occasionem eorū quæ nunc pateris videaris dedisse. Iam enim præteritorum peccatorū sarcinā per salutiferā confessionē deposuisti: iam te poenituit anteaqtē cōuersationis, & eam corrigere studes. Igitur nihil istiusmodi te à stabilitate sanctæ fiduciæ præcipitet.

## CAPVT VI.

**N**on quiescet versutus ille insidiator, sed omnia tentabit, vt te vincere ac perdere possit. Maxime in initijs vel post initia melioris vitæ erit molestior: nempe quando adhuc atrocius in te deseuiēt passiones & affectiones vitiosæ. Aliquādo interius, aliquādo exterius bellū suscitabit: aliquādo prosperis, aliquādo aduersis insidiabitur. aliquādo per ineptā lētitiā, aliquando per intempestiuā tristitiā parabit laqueos: aliquando nimia securitate, aliquando nimia deiectione molietur exitiū. Aliquādo recedet ad tempus cessabitq; vt paulo post te incautū grauius feriat. Aliquando clam, & veluti sub prætextu

## CANON VITÆ

prætextu pietatis sensim irrepens, dolos struet: aliquando palam ex insperato irrumpens vulnus infligere tentabit. Aliquando repulsus iterum atque iterum infiliet, assidueque imminabit: ut quem neque dolo, neque vi subvertere potest, vincat vel improbitate. Aliquando usque adeo perplexus eris animo, & menti tuę tanta caligo se offundet, ut nescias quid agere, quid de re præsentī sentire debeas: unde fiet ut raptus in diuersa miserabiliter apud temetipsum fluctues. Aliquando spiritus, cor sensusque tui ita cōstringentur, deprimētur, & dissipabuntur: ut neque os ad laudem Dei aperire tibi libeat, neque inter precandum attentus esse possis. Aliquando sic vndique affligeris, cōtunderisque calamitatibus: ut veluti Dei auxilio iam destitutus, & umbra horroreque mortis circumseptus, dicas cum Apost. Paulo, Supra modum grauati sumus, ita ut tēderet nos viuere. Denique aliquando non vna tantum ex prædictis tētationibus, sed plures, vel etiā omnes simul te corripient, si permiserit Deus. Nam nisi hic permittat, non tentaberis: quod si permiserit, omnino in grandem tuam vtilitatem permittet, Tu verò aduersus ipsas tētationes vigila: & velut in specula quadam positus, diligenter circūspice qua hostis irruat vel obrepat. Sæpe res admodum friuola, sæpe rursus res eximie sancta est, quæ grandem tumultum periculosamque tētationem intus excitat, dum minus vigilamus. Adeo etiam ea quæ in se mala non sunt, nobis suspecta esse debent. Sæpe quidem sed potissimum in initijs tētationum solers circūspectio necessaria est.

Nam



Nam hūc ferè ordinem seruire solet ipse hostis, vt principio simplicem rei cōcupitæ cogitationem animis nostris immittat : deinde vbi nobis placere conspexerit id quod ingerit, iam ipsam cogitationem vehemētem implexamq; efficiat: mentem veluti vinculis quibusdam innectens, & eam vndiq; constringens. Si non resistimus quando adhuc liberi sumus : postea vbi ille nos intus colligauerit egrius resistemus. Veruntamen etiā si initio negligenter egerimus, nec sic quidem aduersario nos dedere, sed modis omnibus reclamare & reniti, vinculaque fortiter excutere debemus. Igitur principijs quantum potes obfiste: non in tuo conatu, non in tua industria, sed in Dei misericordia confisus. Nisi enim ille custodierit ciuitatē, frustrā vigilat qui custodit eā. Nisi iugiter te continuerit, non stabis: si manum subtraxerit, protinus corrues. Vt autē adsit per gratiam, vide ne tibi desis per socordiam. Voluntatis arbitrium (quod in te liberum est) gratiæ ipsius adiunge, simulq; cū ea labora. Quod si contigerit te tentatione victum corruere, culpā ne reieceris in Deum, neque in diabolum, neque in fatum aliquod. Nam fata illa fatorū ne necessitates, quas vel Ethnici, vel impij Christiani confingunt, pij Christiani prorsus negant & execrantur. Sicut dicebam, si tentatione victus corrueris & peccaueris, ne incuses Deū, qui author iniquitatis non est: sed te accusa qui diabolo cōsensisti. Neq; enim aliquis te cogere poterat vt ei consentire, si consentire noluisse: te inquam

## CANON VI TÆ

accusa, & mox resurge. Nam quemadmodū fo-  
menta & emplastra vulneribus maturè adhibita,  
carnem recens dissectam faciliè redintegrant, se-  
rius verò adhibita, corruptam difficulter resti-  
tuūt: ita tu, si post peccatū admissum statim pœ-  
nitentiā egeris ac resipueris, pristinā gratiā adsq;  
magno labore recipies: si verò diu in ruina iacu-  
eris, non iam facile te eriges, vtpote ipso peccati  
pondere ipsaq; peccandi consuetudine interio-  
rem tuum hominem deprimente, vimq; faciēte.  
Ne ergo diabolus te superet, ad Deum semper  
confugito, cum inuoca, sub alas protectionis e-  
ius te recipe: geme, & suspira corā eo. Hæc enim  
faciens non vincēris: aut si aliquando prostratus  
fueris, resurgens non peribis. Si te non compre-  
hendūt grauiores tentationes, agnosce miseri-  
cordiam pñ patris erga te, & gratus esto. Cogita  
ob id illum tibi parcere, ipsasq; tentationes sub-  
mouere, ne tu infirmior in eis succumbas.

### CAPVT VII.

**N** Vllam pacē, nullas inducias cū diabolo  
& vitijs admittas: sed aduersus ipsum dia-  
bolum infatigabili inuictōq; animo pu-  
gnato, & vitia pertinaci odio iugiter persequere.  
Quāuis enim durante huius peregrinationis  
exilio nō possis sic effugere culpas & vitiorum  
illecebras, quin sæpius labaris implicerisq;: debes  
tamen ipsas offensas siue graues, siue leues sint,  
& semper odisse, & prudēter vitare. Igitur quic-  
quid Deo displicet vbique detestare. Superbiā  
& cenodoxię pestē abominare. Turbulētos irē,  
impa-

Impatientiæq; motus, & acres indignationis stimulos sedulò reprime. Vtinā verò non solū reprimere, sed & (dei gratia id cōcedente) prorsus extinguere eos valeas. Modicè nōnunquā irasci humanū fortè est: cæterū iram atq; odiū seruare, planè satanicū est. Nulla alia ratione facilius impetus ipsius iræ coërcere & superare poteris, q̃ si ad memoriam reuoces patientiam & mansuetudinem Christi Domini Dei tui. Similiter nullo alio efficaciori remedio h ulceribus superbix medeberis, quàm si humilitatem eiusdē saluatoris tibi ob oculos animi ponas. Neq; enim ipse sine causa dixit, Discite à me quia mitis sum & humilis corde. Pudeat discipulum animo intumescere atq; erigi, vbi videt magistrum esse humilem. Pudeat hominem ferocire & excandescere, vbi conspicit Deum esse mansuetum. Pudeat creaturam repugnare, & nolle acquiescere, vbi contemplatur creatorē esse obedientē. Sūma totius philosophiæ Christianæ hæc est: vt duce nostrum Iesum per verā humilitatem sequi contēdamus. Nisi enim efficiamur sicut paruuli, nō intrabimus in regnū cælorū. Quanto quis humilior existit, tātō Deo vicinior, & in perfectione Evangelica excellentior est. Beati quī ex eorum numero esse merentur, quos mundus pro stultis, Deus pro sapientibus habet. Quēlibet libēter audi: patere vt quilibet te doceat atque moneat, etiamsi iunior inferiorq; sit. Neminē despexeris: sed oēs tibi præpone, omnib⁹ te ex corde subiice. Licet enim aliqui mō mali sint:

Bñ      possunt

## CANON VITÆ

possunt tamen Dei pietate in momento boni vel etiam optimi fieri. Et nonnunquam hi, qui imperfecti videntur, singulares aliquas virtutes in se latentes habent, quibus Deo maximè placent. Omnino tibi persuade nullum quantumuis impium, quantumuis vitæ flagitiosæ peccatorem esse, qui non multo te sanctius viueret, si tantam à Deo gratiam accepisset, quantam tu accepisti. Nam hac ratione humiliter de te senties: hac ratione quoslibet tibi facilius præferes. Vtinam autem ad tantam animi depressionem peruenisses, vt non solum cuius homini, sed & cuius creaturæ te submitteres, iudicans indignum qui lumen videas, & quem terra sustineat, dignum verò in quo omnia iniuriam sui conditoris vlciscantur.

### CAPVT VIII.

**F**Auores ac laudes hominum despice. Non magnopere affectes alicui placere, neq; displicere pertimescas: sic tamen viuere stude, vt omnibus bonis qui vere Deum diligunt placeas. Si formæ elegantiam, si ingenij dexteritatem, si facundiæ gratiam Deus negauit, non propterea nimium verecunderis. Etiam te non pudeat externæ humilitatis quam Deus statusq; tuus à te exigit: sed ob solum peccatum vehementer erubescere. Ea, inquam, sola te angant, quæ diuino honori & animarum saluti contraria sunt. Quanquam verus Dei seruus rationabilem morum honestatem negligere non debet. Quando præclarum aliquid facturus es, si appetitus fauoris

ris humani cor tuum corrupuerit, non ita perfectis opus: sed mutata intentione, Deo per id quod agis inferuire ac placere desidera: vt si initium, vel etiam medium operis corruptum fuerit, finis non corrumpatur, sed sit integer. Quantumuis rem laudabiliter gesseris, quantumuis titillet ac sollicitet animum pruritus vanæ gloriæ, tu vitiosæ affectionis illecebris ratione contradicito, & mentem liberam atque quietam quantum in te est seruato. Existima te alterius personam tunc induisse, & non abs te, sed ab altero factum esse quod factum est. Totum Deo tribue quod bonum & laude dignum est. Patienti libentique animo eos audire disce qui tibi vitia tua commostrarunt: existimans illos rectius habere iudicium, dum te reprehendunt, quam habeas tu dum te excusas. Vtinam laudibus iustis & vituperijs iniustis non magis mouereris, quam si de te non dicerentur: illas Deo prorsus adscriberes, hæc tibi imputares, ipsique Domino committeres. Vtinam magis diligeres contumeliam pati, quam laudibus euchi: id enim tibi vtilius securiusque est: nisi fortè non te, sed Deum in te laudari amas. Sane qui verè humilis est, magis optat vilis & abiectus haberi, quam humilis aut sanctus. Quum enim coram Deo agnoscat se esse inutilem, indignum, atque ingratum peccatorem: non utique alius cupit videri apud homines. Quando iuste vituperaris, humilia te, paratam habe voluntatē corrigendi vitium quod in te est: & diuinę dispensationi reliquum commendans, tranquillius per-

## CANON VITÆ

mane. Si pacem spiritus tui in hominum ore, nō autem in testimonio conscientię tuę, Deoque tuo posueris: facilē illa perdita perturbaueris. Hadeant homines quod voluerint de te iudicium: tibi satis sit, vt illi placeas qui scrutatur renes & corda. Veruntamen ad exemplum Apostoli Pauli prouideto bona non solum coram Deo, sed & coram hominibus.

### CAPVT IX.

**M**ox vbi tribulationem & aduersitatem aliquam suboriri senseris, conuerte mentem ad Dominū, eiq; te prorsus cōmitte: nihil obmurmurans, nullam iniuriarū rationē exposcens. Si libet conqueri, quicquid quærimiarū velles apud homines deponere, id humiliter depone apud ipsum Dominum, pertractās cum eo tanquam cum pñssimo patre præsentsissimoq; adiutore quicquid te angit. Propter eum æquanimiter omnia perfer. Licet insidientur demones, & tentationum laqueos præparent, licet virtutis iustitięq; iter laboriosum inuenias, licet iste obtrectet, & ille præmat, licet frigus incuruet & æstus vrat, licet stomachus debilis sit, & caput doleat, licet ingrediatur putredo in ossibus tuis, & caro tua vermibus scateat, licet mēs obnubilatā, & tenebris quibusdam obtecta caliget, instabilitateq; affligatur, licet spiritus tēdio affectus dormitet, internoque gelu constringatur: tu patientiam vbique seruare memineris. Omnia aduersa amanter suscipe tanquam preciosissima xenia tibi à Deo transmissa: siue è cœlo, si

Io, siue ab elementis, siue à diabolo, siue ab aduersarijs, siue à satanicæ artis ministro, siue à feris ea emerferint. Non existimes aliquid aliunde tibi euenire, quàm de diuina prouidentia atq; dispensatione. Nisi enim Dominus permetteret, nihil acerbi vnquam patereris. Quando communis noster hostis beatum Iob damnis rerum & filiorum orbitate affecit, non dixit vir sanctus, Dominus dedit, diabolus abstulit: sed quid ait? Dominus dedit, Dominus abstulit: sicut Domino placuit ita factum est, sit nomē Domini benedictum. In ipsis molestiis quas sustines, releuamen expecta, nō à sortilegis, sed à creatore redēptoreq; tuo. Nā qui ad sortilegos & magiꝑ professores se cōferunt, nefaria cōsilia ab eis petitori, utique Deo derelicto ad diabolum desciscunt. Si cognoscit Dominus corporis sanitatē tibi fore utilem, eā procul dubiò dabit postulanti: quod si eā nō præstiterit, iā tu crede prorsus expedire animę tuę ut illa careas. Fidei inopia, imò verò extrema quxdā dementia Christianos ad pettife ra illa antidota quærenda protrudit. Et ne putēt se grauiter peccare qui eo confugiunt, serpens callidus astutē curat, ut in ipsis sortilegijs nomē Christi ac sanctorum eius plerumque admisceatur, aliaque diuina præscribantur. Nam nisi hoc pietatis melle venenum superstitionis dilueret, non ita facilē Christianorum aliquis vellet illud bibere. Et quid ait scriptura? Ne declinetis ad magos, nec ab hariolis aliquid sciscitemini. Et rursum: Nō inueniatur in te qui hariolos sciscite

Iob 1.

Leuit. 19.

Deut. 18.

## CANON VITÆ

tur aut obseruet somnia atque auguria: nec sit maleficus, neque incantator: neque diuinos consulat, & à mortuis non quærat veritatem. Hęc igitur execrare, & omnem spem in Deo tuo colloca. Non indigneris hominibus qui te lædunt: sed eos diuinæ dispensationis satellites esse agnosce, eos dilige, & Deo gratias age. Oculis cordis tui illum respiciat qui molestiis exerceri te sinit, magis quàm eos qui tibi molesti sunt. Quod dum præstare adniteris, si tua infirmitas aduersum te luctari & odium in persecutores suggerere cœperit, tu ne cesseris: sed persiste & præcare altissimum vt vincere possis. Etiam si ipse Dominus te veluti à se proiecerit, & proiectū satanę quodammodo tradiderit, ita vt interius exteriusque derelictus vndique extremis calamitatibus cingaris, vndique horrendis cogitationibus impellaris, vndiq; pressuris ineffabilibus discrutieris: nihil tamen sinistri suspiceris de pñssimi conditoris erga te dilectione, non propterea ab eo discedere, non præsentem tribulationem subterfugere, non inutile interdictū, nec remedium quærere, non alicui impuræ consolationi te tradere pares: sed nuda fide nudaq; charitate illi adhærrens, permitte te tundi & flagellari sicut ipse voluerit, & quàm diu voluerit. Expecta in silentio exitum rei secundum eius ordinationem atque dispensationem: subinde dicens in corde tuo, Volūtas Domini fiat, mala enim esse nō potest. Nihil, inquā, vacilles in sancto proposito, quāuis ille non statim finē imponat tentationibus:

sed



sed plenus bona spe inuictusq; animo perdura.  
 Purgat, expolit, & probat te Deus, non deserit.  
 Prope enim est his qui tribulato sunt corde, & *psalm. 33*  
 humiles spiritu saluat. Nescis tu modo fortassis  
 quare ita te castiget & conterat: sed vbi ad eum  
 perueneris, tū agnosces flagella ista quibus iam  
 te exercet, ex mero tui amore fuisse profecta.  
 Nullam vnquam afflictionem quantumuis exi-  
 guam accidere permittit, sine eximio commo-  
 do eius qui illam sustinet, si patiens fuerit. Gra-  
 tior illi est humilis internarum derelictionū tole-  
 rantia, quā ingens deuotionis dulcedo. Nō si-  
 net te tentari vltra vires: modo non in te, sed in  
 eo confidas: modo sis longanimis, & illius auxi-  
 lium cum sancta fiducia expectes.

## CAPVT X.

**N**Vnquam dixeris, Hæ vel illæ tribulatio-  
 nes mihi minus conueniunt, aliās ego cō-  
 modius, & cū maiori fructu perferrem.  
 Non inquam, tale aliquid in corde tuo cum im-  
 patientia dixeris: sed quæcunque portanda De<sup>9</sup>  
 humeris tuis imposuerit, ea absque mussitatio-  
 ne aliqua portato, & animæ tuæ maximè vtilia  
 esse credito: sicut reuera maximè vtilia sunt. Ad  
 hoc tibi iugiter enitendum est, vt voluntatē tuā,  
 voluntati ordinationi q; diuinæ per omnia sub-  
 das atque coaptēs: & tua eādē relictā, illam ita  
 promptè sequi consuecas, sicut vmbra sequitur  
 corpus. Si in hunc modum sensuum & affectuū  
 tuorum propensionibus propter Deum renun-  
 ciare potueris, dici non potest quanta tranquil-  
 litate

## CANON VIÆ

litate & pace fruêris. Videlicet etiam in hoc mundo paradifum quandam inhabitare incipies. Præpofterus amor quo teipfum quæris, quo ad teipfum reflecteris, quo te in teipfo non in Deo diligis, hic folus animam tuam turbat, inquinat, & ab intimo fponfi cœleftis amplexu impedit. Ex hoc peruerfo tuiipfius amore, omnis paffio affectioque vitiofa, omnis confufio, & inordinatio, omne denique malum in te nafcitur. Quantum in te minuetur atque extinguitur ifte perniciofus amor, planè tantum in te morientur vitia. tantum in te crefcet vera libertas, & verus amor Dei. Igitur non tu tibi ita deligas molefta quæ feras, vt rurfum præfcribas quæ non feras: fed quæcunque Deus obuenire voluerit, ea parato animo fufcipe. Etiam non perturberis quod peccatis tuis ipfas aduerfitates fortè accerfieris: fed fiue accerfieris, fiue nō accerfieris, tranquillus eſto. Imputa quidem omnia tuis iniquitatibus, & humiliare: veruntamen, ficut dixi, non intempeſtiuè cōſternêris animo, fed mentis æqualitatem ſeruato. Dei tui paffio pro peccatis tuis ſatisfaciat: tu verò pro amore ipſius Domini patere. Diſpliceat animo tuo malorum origo vitiofa: cæterum ipſas anguſtias æquanimiter ſuſtine, offerens eas altiffimo in ſacrificium. Sic enim erunt tibi veluti baptiſmus ad peccata tua abluenda efficaciffimus, quin & glorioſiſſimum (vt ita dicamus) erunt martyrium.

## CAPVT XI.

Si Deo

**S**I Deo permittente in eam veneris necessitatem, vt vel fidem Christianam negare vel tormenta subire, atque adeo ipsam mortē oppetere cogaris: tu potius millies (vt sic loquamur) morere, quā aliquod nefandę abnegationis verbum aut signum edas. Non tibi malē blādiaris, non dicas intra te, Ego infirmus sum, & tormenta horreo: quid verō mali admitto si timore compulsus, Christum ore vel signo negem, modo eum interim corde confitear & adorem? Nonne ipse animum potius respicit quā verba aut opera? Negabo exterius, intus non negabo. Erras si tibi istud persuades. Scriptum enim est, Corde creditur ad iustitiam, ore autē Rom. 10. confessio fit ad salutem. Non solum in occulto sed & in aperto confitenda est fides Christiana, dum ita res exigit. Dicit ipsa veritas, Qui nega- Luc. 12. uerit me coram hominibus, negabo & ego eum corā patre meo. Si negasti, periisti à Deo, & à cōsortio fidelium præcisus resectusq; es: nec iterū in eorum numerum recipieris, nisi fidem quam impiē abnegasti, ingenuē confitearis, ac Petrum Apostolum imitatus, pœnitentiā agas. Si pusillanimitati tuę metuis, declina oportunē persecutionem. Veruntamen si fugiens comprehēsus vel interrogatus fueris, scito iam nō esse tibi dissimulandum. Beatus ille martyr qui animā humiliter patienterq; etiā cū pauore ac tristitia ponit, vel pro Christiana fide, vel pro proximi salute, vel pro iustitia & veritate. Nā & Domin⁹ nos-  
ter volēs cōsolari suos electos qui ex fragilitate  
huma-

## CANON VIÆ

humana ad mortis expectationem tædio affecti trepidant, transtulit in se eorum infirmitatē, quando imminente passione pauens ac mœrēs dixit, Tristis est anima mea vsque ad mortem. Quicquid molestiæ contigerit te sustinere, siue paruum, siue magnum sit, tu illud cōsuesce mox commendare atque offerre altissimo in laudem æternam, hæc aut consimilia dicens, Domine ego hanc necessitatem, hanc miseriam, hoc impedimentum, hanc tentationem tibi commēdo & offero ad laudem nominis tui sempiternam: hanc calamitatem vnitam passioni & æumnis vnigeniti tui tibi offero, ad æternam tuam gloriam. Licet ad eundem modum offerre Deo quælibet opera vel exercitia. Hæc oblatio etiam in momento absque verbis fieri poterit, nempe, simplici dulciq; mentis in Deum intentionem. Ingentem planè fructum ex istiusmodi consuetudine referes. Sic enim ipsa opera tua, quæ ex se imperfecta viliaq; sunt, coniuncta meritis Christi, prorsus perfecta dignissimaq; efficientur.

### CAPVT XII.

**P**rouidentiam Dei vbique attende: in omni rerum euentu stabiliter ei innitere, nihil prorsus credens accidere, quod aut nullas, aut ex nullo rationabili ordine proficiscentes causas habeat. Neque fortunæ, neque syderibus aliquid eorum quæ fiunt attribuas. Detestare superstitiosa & impia illa astrologorum commenta, qui vitam, mores, facta, & studia hominū stellis subiiciunt, & futura aliqua præter naturales

les elementorum ac rerum corruptibilium affectiones ex eis rimari atque prædicere tentant. Quæ temeritas planè idololatriæ sapit reliquias, & Christianæ religioni maximè pestifera est: ob idq; & prophetarum oraculis, & patrum orthodoxorum sententijs diligenter damnatur atque interdicitur. Nam Chaldaïs quibus familiaris erat huius sciëntiæ professio, per Isaïam ita loquitur Deus, Sapientia hæc & sciëntia tua decepit te: veniet super te malum, & nescies ortum eius. Et paucis interiectis deuastandæ eorum ciuitati ait, Stent nunc & saluent te augures cœli, qui contēplabantur sydera, & supputabant menses, vt annunciarent euentura tibi: ecce facti sunt quasi stipula, ignis combussit eos, nec liberabunt animā tuam de manu flammæ. Et per Moysen dicitur, Gentes, augures, & diuinos audiunt: tu autem à Domino aliter es institutus. Rursum in Ieremia habetur, A signis cœli nolite timere quæ gentes timent. Igitur neque tristitię, neque gaudiū quicquam ex vanis astrologorum iudicijs concipere debet Christianus. Quod si quis obiecerit aliqua nonnunquam euenire ex his quæ prædicūt, respondebimus multa itidē non euenire, & quæ eueniunt nō ex illorum imperita peritia, sed ex occulta Dei dispensatione accidere: quanquam ea ipsa ferè his eueniunt, qui credunt futura quæ illi prædixerunt. Que modmodū enim veri Christiani pro sua in Deū fide vtilia semper accipiūt: ita his qui veri Christiani non sunt, pro fide quā vel erga dæmones, vel erga superstitionū professo-

Isa. 47.

Deut. 18.

Ierem. 10.

## CANON VITÆ

fessores habent, pernicioſa ſæpe cōtingunt, idq̃;  
 iuſto Dei iudicio. Diabolus quidem futura non  
 nouit: nōnunquā tamē ex rerū initijs quæ videt,  
 exitus ipſarum prænunciat. Dum conſpicit ali-  
 quem parare iter in Italiā, quid mirum ſi perni-  
 citate propriæ naturæ ſubuectus præuertat an-  
 nuncietque talem venturum in Italiam? Et dum  
 videt Ætyopiam crebris imbris ſuperfundi,  
 quid magnum ſi in Ægypto futuram Nili exun-  
 dationem promittere audeat? Hoc pacto apud  
 multos fidē ſibi conciliat impoſtor. In eos qui  
 Deo fidūt, quiq̃; ſe totos ei cōmittūt, neq; astro-  
 logicæ prædictiones, neq; magica monſtra, neq;  
 ſatanicæ thecnę vel præſtigie aliquid efficere poſ-  
 ſunt. Quod ſi iuſtos quandoq; afflexerint, Do-  
 minus id permittit, in vtilitatem ipſorū iuſtorū.  
 Tu ergo contemptis eorū figmentis, qui vel ex  
 ſtellarum poſitionibus, vel ex vultuū ac manuū  
 contemplatione neſcio quæ vaticinantur, ad to-  
 tius orbis conditorē atq; moderatorem te con-  
 uerte, illi inhere, in illum te proñce. Nihil eorū  
 quæ accidūt fiuntq̃; te cōturbet. Siue aër clemēs  
 fuerit, ſiue aſperior, ſiue fructus terra abunde  
 prouenerint, ſiue minus prouenerint, ſiue Do-  
 min⁹ pacē miſerit, ſiue gladiū, nō obmurmures:  
 ſed humiliatus ſub potenti manu eius demitte  
 vultū, & trāquillus eſto, nō tamē ſine ſenſu. Vtrū  
 in hoc exilio aliquando maiorem requiē habi-  
 turus, vtrum perfectiora gratiæ dona perceptu-  
 rus, vtrum hinc ad purgatoriū emigraturus ibiq̃;  
 diu permanſurus, an rectā ad cœlum euolaturus  
 ſis,

sis, non anxie pertractes: sed te totū ipsi Domino crede, & secundū eius voluntatem omnia circa te disponi tā in futuro quā in præsenti seculo desydera: non minus diligens diuinā iustitiā quā misericordiam, & grauius esse existimans peccare, quā pœnas pro peccatis exoluere.

## CAPVT XIII.

**I** Nordinatum mœrorem, vitiosam animi deiectionem, superfluos conscientie scrupulos, intēpestiuas perplexasq; cōfessionis semel factę repetitiones, & ceteras huiusmodi mētis inquietudines (quæ spirituales profectum plurimum impediunt) repelle. Non placet Deo vt ita simus anxij, quasi actum esset de salute nostra, dum leuiter offendimus: & quasi ipse pararet illaquiare ac perdere nos, dum inter confitendum hanc vel illam circumstantiam (obliuione subrepente) minus attenti fortē omittimus. Vult tamen nos dare rationabilem operā, vt illorum quæ committimus memores simus: & quorum reminiscimur, ea omnia ingenuè pureq; absq; dissimulatione aliqua corā sacerdote proferam⁹. Vtile admodum est eo modo frequēter cōfiteri peccata: ne dū diu differtur sacramentalis exomologesis, animū subeat ipsorū peccatorū obliuio: & alioqui prælara oīno gratiæ beneficia, crebrā humilēq; cōfessionē subsequuntur. His qui spiritualiter viuere cupiunt, & maximē nouellis tyronibus, diabolus laqueos pusillanimitatis, tristitiæ, diffidentie, & accidie, magno studio sæpe parare solet: quos non nisi pia erga Deum

## CANON VITÆ

Deum fiducia, spiritualique alacritate ac promptitudine per inuocationem diuini auxilij effugies. Multa omnino mala conciliat nimia pusillanimitas, implacabilisq; timor: quo qui occupatus fuerit, diuersis erroribus inuoluitur, & omnia quæ agit, peccata esse existimat: vnde fit vt in perpetuo quodam angore, perpetuaq; mentis conturbatione positus, seipsum miserabiliter sine causa excruciet. Magna quidem commiseratione tales prosequendi sunt: qui tamen si prudentum consilijs potius quàm proprio iudicio promptè & intrepidè acquiescere vellent, facile curarentur. Quando fluctuas, quando anxius es & dubius, quâdo occurrunt ardua aliqua atq; difficilia, mox ad Deum confugito, Deum cõsultito, Deo negotium omne integro corde & stabili fiducia committito. Nõ tuę industrię, non tuis viribus, sed Dei pietati innitere: agnoscens te rebus dignè obeundis esse imparem. Sic enim omnia prosperum sortientur exitum. Nã Deus nunquam negliget quod ei humiliter commiseris: sed curabit, diriget, & expediet rem omnem, sicut tibi cæterisq; vtile esse viderit.

### CAPVT XIII.

**V**tinam solus Deus occuparet interiora tua. Nam quàm diu ab omnibus alijs cor tuum nõ fuerit expeditum, quàm diu ali cui rei transitorie adhæseris, quàm diu tuam magis quàm Dei voluntatem amaueris, non poteris eidem Domino perfectius coniungi: beatus ille qui ab omnibus intus nudatus est, qui neque  
propter



propter damna indignè perturbatur, neq; propter commoda insipienter euanescit, qui omnia inæqualia æquali fert animo, qui se derelinquere & (vt ita dicam) penitus egredi didicit, qui denique per perfectam sui abnegationē iam ad perfectam charitatem peruenit. Quantam enim putas pacem talis possidet? Nimirum tantam, vt ea nullo sermone explicari possit. Vsq; adeo profuse diuinæ consolationis torrens interdum in intima aliquorum qui eiusmodi sunt, influit, vt ipsi illum vix sustinentes, veluti cogantur subducere sese & exclamare atque dicere, Domine cōtine vndas gratiæ tuæ. Hinc fit plerumq; vt eorum corpora ad tantam diuinæ visitationis benignitatem, tota mirabiliter immutentur. Profecto quilibet talium cum Psalmista iure cantat, In pace in idipsum dormiam & requiescam. O pacem desiderabilem, quæ omnem sensum exuperat, omnem intellectum transcendit. O pacē iucundam, qua mens ad interiora rapitur, & omnium rerum externarum oblita feliciter conquiescit in Domino. O pacem amabilem, per quam & in qua spiritus seipsum supergressus, atque in diuitias ineffabilis gloriæ absorptus, totus in Deum transit. Fœlix terq; quaterq; illa anima, quæ in sinu sponsi sui ad hunc modum sæpe confoueri, & inter amplex<sup>9</sup> dilecti sui hoc pacto frequenter obdormire meretur. Dici non potest, quantum gaudiū in huiusmodi pace persentiat: dum ex abundantia deliciarum spiritualium seipsam non capit: dum incomprehensibili inæstima-

*Psalm. 4.*

## CANON VITÆ

biliq; dulcedine tota repletur, repleta inebriatur, inebriata in sanctam securitatem adducitur. Sed heu quàm diu gestatur corpus corruptibile, non licet longo tempore hac sacra secretaq; Dei copula frui. Sp̃s enim accedit & recedit: nunc se ostendit, nunc rursus se abscondit. O quod præsentium rerum fastidium, qui gemitus, quæ suspiria sanctam animam subeunt, quando ex tali excessu ad semetipsam reuertitur: quando ex tantis diuitijs ad tantam inopiam, ex tantis delitijs ad tantam miseriam, ex tam grata sp̃itus tranquillitate ad tam inamœnas distractiones tentationesq; relabitur. Veruntamen hi gemitus, & hæc suspiria non modicam ei consolationem interim præstant: & sponsum vt redire maturet, prouocant. Cæterum paucos inuenire est, qui ad hanc perfectionem pertingant, qui tanta cordis puritate simplicitateq; clareant, qui summæ charitatis atque contemplationis arcem teneant: neque enim Deus omnes cõprouehit. Alij piè quidem, non tamen tam sanctè viuentes, etiam ipsi interna pace in hac peregrinatione fruuntur: sed non tanta quàm perfecti illi sentiunt.

### CAPVT XV.

**Q**uanto liberior intus fueris ab impedimentis rerum transeuntium, & quanto simpliciorem affectum habueris, tanto facilius, fœliciusq; Deo vacare poteris. Quicquid præter Deum quaeritur, mentem occupat, non satiat. Solus Deus explebit desiderium tuum:

in solo Deo veram requiem inuenies . Ipse est  
 vnum illud necessarium & summum illud bonū  
 in quo omnium eorum quæ pulchra sunt, quæq;  
 delectant, plenitudo & perfectio cōsistit. Quare  
 eum solum serio quærere & ambire conuenit:  
 alia non sunt appetenda , nisi quatenus ad ip-  
 sum eundem honorandum amandumq; promo-  
 uent & adiuuant. Diligendus est ille super om-  
 nia, diligendus est ex tota mente , ex toto cor-  
 de, ex tota anima. Quantum intelligis , quan-  
 tum sapis, quantum potes, tantum eum dilige .  
 Pro modulo virium tuarum, pro mensura gra-  
 tiæ tibi datæ, dilige. Si non nisi imperfectè potes  
 diligere , viuat in te vel desiderium perfectius  
 diligendi: humiliare, ei que dicito, Imperfectum *Psalm. 138.*  
 meū viderunt oculi tui. Væ homini illi qui Deū  
 non amat . Nunquam enim verè securus, nun-  
 quam verè tranquillus est: vitij seruit, vanitatē  
 sequitur: denique non viuit, sed manet in mor-  
 te: mortuus est, nihil est. Non timeat anima quæ  
 Deum quærit: paueat illa quæ non quærit: Stu-  
 de quantum in te est contemnere & respuere  
 quicquid ab ipsius conditoris amore te auo-  
 cat aut impedit. Disce vana desideria expelle-  
 re , inutilesque curas ac sollicitudines reijcere .  
 Contende vincula intempestiux familiaritatis  
 erga homines abrumpere, & inordinati amoris  
 nexus erga propinquos vel quasuis res tempo-  
 rales præsecare . Breuiter quæcunque cor tuum  
 irretire dissipareq; possunt , consuesce solerter  
 propellere ac fugere. Nūq̃ expetas vt ab aliquo  
 C ij singu-

## CANON VITÆ

singulariter ameris : sed expete vt Deus ab omnibus perfectè diligatur . Nullius corporalem præsentiam magnopere affectes , nisi spiritualis profectus gratia : quanquam nec sic quidem alicuius præsentia : cū vitiosa animi inquietudine vel impatientia concupiscenda est . Si eos qui pie viuunt , spiritualiter diligis , facilius feres eorum absentiam . Omnes enim in Domino tibi semper præsentés erunt , quos in Domino sincere amas .

### CAPVT XVI.

**L**ectiōi, præcationsi, cæterisque spiritualibus exercitijs deditus esto . Lectio tollat orationis tædium : oratio vel meditatio condiat lectiōis studium : & tam lectiōem , quàm præcationem subleuet atque corroboret interiectum honestum aliquod manuum opus . Nam exercitiorum variatio plurimum adiuuanti adfert, his maximè qui perfectiora spiritus sancti dona necdum acceperunt . Si enim aliquādiu lectiōi vaces, & ante fastidium ea intermissa ad orationem vel meditationem te transferas, rursumque labore precandi nondum prægrauatus, lectiōis exercitium repetas , & oportunè scriptionem , aut aliam externam operationem intermisceas : poteris & viribus integer & mēte alacer permanere . Quod si infirmitatis propriæ oblitus, vel lectiōi , vel præcationsi diutius quàm oportet, aut etiam vsque ad nauseam continenter incumbere volueris : eris nimirum totus segnis & inutilis, tædebitque te ad illud exercitium, quo

quo iam plus quàm satur es, iterum redire. In eis lectionibus libenter versare, quæ spirituales profectum adiuuant: sedulò adlaborans rationem sanctæ vitæ discere, Deumque cognoscere & amare. Lectio quæ pietati aut iustæ, rationalique necessitati non seruit, vana est. Dum sacra legere paras, oculus intentionis tuæ sit simplex; desiderium placendi Deo sanctæ humilitati coniunctum tibi ducatum præbeat: alioqui si prauè curiosus superbusque fueris, periculosus erit lectionis exitus. Nam mel quod ex ipsis diuinarum scripturarum floribus salubriter exurgere debueras, tibi in venenum facile cōuerteres: nescio quæ portenta peruersarum interpretationum aut ipse excogitans, aut ab alijs excogitata approbans. Fidei catholicæ per omnia inniti, & patrum orthodoxorum vestigijs humiliter insilire, matrisque ecclesiæ dogmatibus firmissimè adhærere, non autem proprium sensum pertinaciter sequi oportet. Sane si otio suppetente, & Deo gratiam donante sacrę lectioni seriò te dederis, piàmque mentem ad mensam verbi Dei attuleris, mirum in modum stabilieris in sancto proposito: & exhilaratus spiritu, ineffabiles delicias experieris, illis prorsus incognitas qui vanitatibus rebusque caducis dediti, æterna non quærun. Talibus enim lectio sacra non panis, sed lapis est. Memento autem salutem animæ, non in eloquentia, neque in venustate sermonis sitam esse. Quare nunquam irriteris, neque contempseris ea quæ sancte quidem, sed mi-

## CANON VITÆ

nus politè ac facundè dicuntur: istiusmodi enim leuitas, vani arrogantisq; animi euidentissimū est argumentum. Orationis, inquam, ornatū inter legendum ne intempestiuè requisieris si absit, neq; rursus temerè respueris si adsit: sed omnia quæ bona vtiliaq; sunt, siue simplicibus & rudibus verbis, siue culta & eleganti dictione enuncientur, cum gratiarum actione excipe: atque eadem sæpius legere vel audire ne pigeat. Qui verborum lenocinia potius quàm sententiarū fructum spectant, similes prorsus sunt ijs, qui aut pro ceruis papiliones venantur, aut pro pomis folia & quisquilias colligunt. Nimius eloquentiæ amor mentes eorum qui minus attentī sunt facilius à Deo ac pietate auocat: & in præcipitium philautiæ, superbiæ, atque cenodoxiæ pertractas, veluti atheas reddit. Ethnici qui humilitatem Euangelicam ignorant, magnificent, & admirentur eloquentiam: Christiani commendunt & amplectantur vitæ sanctimoniam. Qui humiliter de se non sentit, qui Deum non diligit, elinguis est & infans, quantumlibet eruditus esse videatur atque elegans. Non improbanda est ipsa eloquentia: sed abusus eloquentiæ vituperandus est. Certæ lectioni animum prudenter astringe, ordinemq; seruato. Lectio enim incerta & erratica spiritum magis dissipat, q̃ promouet, si desit iusta ratio talem lectionem sectandi. Dum in sacris scripturis occurrūt aliqua obscuriora quæ non potes intelligere, venerare illa, & simpliciter pertransito: nisi res aliud exposcat.

poscat. Sic enim & curiositate & labore feliciter te expedies. Ea est diuinorum eloquiorum virtus, vt non solum tunc in anima fidei magnam vtilitatem pariant quando exactè intelliguntur, sed & quando minus intellecta piè suscipiuntur: neque enim frustra dicit Dominus, Verba quæ ego locutus sum, spiritus & vita sunt. Etiam nō angaris propterea quòd vniuersa quæ legis vel audis non mandes memoriæ. Quemadmodum enim vas quod sæpius aqua perfunditur, nitidū permanet etiamsi ipsa aqua tota effluat: ita pia mens quā doctrina spiritualis crebro pertransit, pura conseruatur, etiamsi ipsa sancta verba in ea non persistant. Quando spiritualem consolationem, animæ tranquillitatem, pium affectū, paratamq; voluntatē adimplendi mandata Dei ex lectione reportas, grandem prorsus & præcipuum lectionis fructum refers. Quæ scribuntur & dicuntur in vitia, tu ea non semper reieceris in alios, sed tibi potius accommoda: ne varijs suspicionibus, temerarijsq; iudicijs mentem tuam implices atque inficias.

## CAPVT XVII.

**O**Randi diligentia tibi in primis necessaria est. Impenetrabilis enim armatura, certum perfugium, securus portus, tutissimumq; asylū est oratio. Hæc vna & mala omnia depellit ab anima, & bona omnia in illam inuehit. Ipsam animam purgat, poenā peccatis debita submouet, præteritas negligentias sarcit, diuinam gratiam impetrat, prauas cōcupiscentias

C nñ extin-

## CANON VITÆ

extinguit, effrenatas animi passiones domat, hostes prostermit, tentationes superat, calamitates lenit, mœrorem fugat, lætitiā infundit, pacem conciliat, hominem Deo coniungit, coniunctumq; ad æternam gloriam subleuat. Precando impetrabis quicquid vtile tibi fuerit.

Quod si mox non obtines quod postulas, vide ne perturberis. Deus enim sua pietate nonnunquam differt largiri ea quæ sanctæ petuntur: non quod negare velit, sed vt cumulatiùs & utilius postea tribuat, vt quæ fidem, longanimitatem, ac perseverantiam postulantis eximie coronet.

*Ioh. 9.*


Nunquã dixeris apud te, id quod cæcus ille euangelicus iam quidem illuminatus oculos corporis, sed nõdum perfecte illuminatus oculos mentis, dicebat, Scimus quia peccatores Deus non exaudit: nõ inquam hoc dixeris. Reuera enim exaudit Deus peccatores, dum corde humiliato precantur. Alioquin malè ageretur cum populo Dei: quum omnes sint peccatores, & egeant misericordia Dei. Quod si aliquis cum cæco illo illuminato, asserat peccatores non exaudiri à Deo, ea sententia ad illos referenda erit, qui vitam corrigere nolunt. Quamuis igitur sis peccator, non ob id desperanter contempseris orationem tuam quam Deus non contemnit, sed gratam habet, & apud se descriptam seruat. Nõ etiam te moueat, quod oranti tibi, vel ipse Deus, vel angelus, vel beatorum aliquis è cælo minime appareat, qui tuas præces exauditas esse denunciet: neque enim id necessarium est, sed nec expe-



expedit quidem. Alioquin quod esset meritum  
 fidēi? Quamquam Dominus vsque adeò bonus  
 est: vt ipsas quoque apparitiones visibiles quum  
 opus fuerit adhibeat. Tu igitur humiliter præca  
 re nihil hæsitans, sed certò credens eum qui piè  
 orat semper exaudiri à Domino. Strenuus esto,  
 perseuera: & procul dubiò re ipsa tandem expe  
 rieris, quàm verè dixerit Christus, Petite & acci  
 pietis. Omnino dabit id quod petis, si expedit  
 vt accipias: si verò illud nò conducit, dabit aliud  
 quod conducat. Nouit quando, nouit quatenus  
 tuæ petitioni satisfacere debeat. Dum ex infirmi  
 tate humana postulas quæ utilia non sunt, absit  
 vt donet quæ petis. Quando tale aliquid deside  
 ras, quod vtrum illi placeat ignoras, hoc aut cō  
 simili modo orare discē: Domine si tibi placet,  
 si expedit vt id fiat, fiat: si verò non tibi placet, si  
 non expedit, non fiat. Fiat in omnibus tua san  
 cta voluntas. Adnitere vt præsentem animum  
 habeas dum præcaris, Deumque laudas. Facito  
 id diligenter, & cum debita reuerentia: nusquam  
 deliberata voluntate consentiens ineptis cordis  
 euagationibus. Si vero tam instabilis atque vo  
 lubilis fuerit mens tua, vt verbis orationis atten  
 dere non possis, nequaquā ob id indigneris, ne  
 que deſiciaris animo: sed grato, placido, trāquil  
 loq; spiritu fac quod in te est, bonam voluntatē  
 Deo offerens & constantem patientiam exhi  
 bens. Estō humilis potius quàm pusillanimis.  
 Quamuis minus attētus plurima prætercas, sub  
 inde tamē vel vni verbulo attendis: quod si nec

C v

vnum



## CANON VITÆ

vnum verbum attentus pronunciare potes, nec  
 sic quidē perdis operam, si vigil & rectus corde  
 fueris. Internam perplexitatem, internum impe-  
 tum, nimis anxiam sollicitudinē, nimis vehementē  
 cogitationem atq; conatum sapienter vitato : &  
 multiplices rationes attentionis seruandæ ne in-  
 constanter perquiras. Ista enim confusionem in  
 anima gignere, & diuinæ gratiæ saporem exclu-  
 dere solent. Sacrorum verborum sensus, quos  
 pro tuo captu spiritus sanctus suggesserit, men-  
 tem tuā suauiter afficiāt, simpliciterq; occupēt:  
 nō autē imagines aliunde cū labore quæsitę fa-  
 tigēt aut inuoluāt. Si spiritus sanctus spiritū tuū  
 ad sublimiora aliqua euocauerit traxeritq; , ne  
 temerē obnitaris . Eius ducatum per omnia se-  
 quere: ipse enim prorsus nouit, qua, quomodo,  
 & quousq; pergere debeas. Sicut modo dicebā,  
 dum oras, paratā voluntatē semper habe atten-  
 dendi his quę profers: & cor tuū ab intempesti-  
 uis cogitationib<sup>9</sup> placidē expedi, maximē in in-  
 itio precationis. Quod vt facilius præstes, extra  
 tempus orationis, stude animū seruare liberū. Si  
 hoc feceris, reliquū committe Deo: & tranquil-  
 lus letusq; permane. Neq; enim iā Deus imputa-  
 bit tibi distractiones quibus inuitus ex fragilita-  
 te abriperis. Planē illi satisfacies , etiamsi atten-  
 dere non possis: Planē, humilis patientia, hila-  
 ris animi gratitudo, sanctaq; erga eū fiducia, cō-  
 pensabit quod dissipatione sensuum peccatum  
 fuerit. Nā ipse Dominus nō minus spectat, neq;  
 minus diligit in nobis rationabilē conatū piāq;  
volun

voluntatem bene operandi, quàm ipsum opus. Scit quare nos mēte ita instabiles esse nonnunquā permittat : scit quomodo animas nostras à superbiæ, philautiæ, vanæq; gloriæ inquinamētis vel tutari vel repurgare debeat.

## CAPVT XVIII.

**A**D beatam Mariam virginem deiparam frequenter te conuerte : eam inuoca, eā dilige, eam lauda. Omnium enim præconijs dignissima est : & quātumcunq; prædicetur, omnem cōmendationē semper superat. Eundē habet cum patre cœlesti filiū : Deū in vtero suo virgineo cōcepit, Deū peperit, Deum proprijs vberibus lactauit, Deū gestauit in vlnis, & cōfo- uit gremio. Quid sublimi⁹, quid magis honorifi- cū, quàm dici & esse matrē Dei? Quid hac digni- tate celsius? quid admirabilius? Planē sic est: ni- hil sub Deo cogitari potest diuini⁹ Dei matre. Vē miseris atq; infœlicibus hēreticis, qui tantæ virgini iniquiores sunt, qui eius gloriam & splen- dorē offuscare nituntur: vē, inquam, his quibus tātę imperatricis cultus iam viluit. Indignātur, frendent, quòd eam appellemus spē vitæ, conci- liatricem salutis. Quid, inquiunt, Mariā habetis pro Dea? Siccine spē vestrā in homine ponitis? Non quidem adoramus Mariam vt deam: sed vt Dei matrem Deo proximā veneramus (quāuis nō immerito dea dici queat, cū sancti in scriptu- ra vocētur dñj) Nō sic cōstituimus spē nostrā in homine, nō ita cōfidimus in Maria, quasi ipsa id quod est, id quod habet, id quod potest nō acce-  
perit

perit à Domino : sed confitemur eam accepisse omnia ab eo à quo creata electaque est , & eam posse omnia in eo quem enixa est . Dedit creator creature, filius matri ineffabilem quandam potestatem & eam singulari privilegio honorare voluit : ob idq; salutis spem in illa collocamus, non quidem ante Dominum, sed post Dominum. Nam à Domino (quem totius boni originem esse cognoscimus) salutem principaliter expectamus. Tu Antimarianorum illorum blasphemias atque impudentiam abominare (orans tamen interim pro eis) & venerationem ipsius Mariæ charam habeto . Ipsa enim est totius puritatis & sanctimonix exemplar absolutum, ipsa peccantium singulare refugium , ipsa omnium quos tentatio, calamitas, aut persecutio aliqua vrget, tutissimum asylum. Ipsa regina cœli potentissima, ipsa dispensatrix gratiarum liberalissima, ipsa omnium fidelium mater misericordissima. Tota mitis est, tota serena, tota suavis, tota benigna, nō solū iustis & perfectis, verum etiam peccatorib<sup>9</sup> ac desperatis: quos vt ad se ex corde clamare conspexerit, statim adiuvat, suscipit, fouet, & metuendo iudici materna fiducia reconciliat. Nullum aspernatur, nulli se negat: omnes consolatur, omnibus sinum pietatis aperit, & vel tenuiter inuocata præsto adest. Sua ingenita bonitate atque dulcedine, sæpe eos qui Deo minus afficiuntur, ad sui cultum blande allicit, potenterque excitat : vt per huiuscemodi studiū præparentur ad gratiam, & tandem apti reddantur

regno

regno cœlorum. Talis est, talis à Deo facta est, talis nobis data est: vt nemo eā horreat, nemo refugiat, nemo ad eam accedere trepidet. Fieri nō potest vt pereat, qui Mariæ sedulus & humilis cultor fuerit. Tu igitur facito illam tibi vnicē familiarem. Quin & alijs sanctis Dei deuotum impende obsequium, prorsus credēs illos tui cordis pium affectum tuamq; p̄cationē agnoscere. Si libuerit aliquos diligere, quos peculiarius veneris, & quorum patrocīnio te frequentius commendes, laudabiliter omnino facies. Felix eris, si etiam in psalmodia sedulō te occupaueris: & suauitatem pacisq; gratiam, quam illa in se continet percipere merueris. Psalmodia enim planē est gratissima animarum tranquillitas, iucunda cordium serenitas, dulcis mœrentium cōsolatio, & honesta lætantium compositio. Psalmodia dæmones fugat, angelos inuitat, cœlos aperit, & Deum ad miserendum veluti cogit. Ego malim psalmodum etiam non penitus intellectorem dulcedinem vtcunq; degustare, quàm eorundem sensus absque sapore interno exactē tenere.

## CAPVT XIX.

**C**onsulo vt ante omnia mentem fideliter exerceas in his quæ Dominus noster Iesus Christ⁹ pro nobis fecit, pro nobis loquutus est, ac pertulit. Nusquam enim inuenies tam p̄sens remedium aduersus vanitatem & illecebrarum blandimenta, aduersus passionum, affectionūq; vitiosarū corruptelas, aduersus tentatio

## CANON VITÆ

tationum & calamitatū procellas, aduersus tristi-  
titię ac pusillanimitatis depreffiones: nusquam  
reperies tā certū cōpendium ad oēm virtutem,  
omnisq; virtutis perfectionē consequendā, si-  
cut in vita ipsius saluatoris. Ex cuius frequenti  
pertractatione anima efficacissimē purgatur à  
peccatorum vitiorumq; sordibus: & in sanctam  
quandam confidentiam intimamq; familiarita-  
tem eiusdē Domini adducta illustratur cœlesti  
lumine. Ipse enim Iesus cui adhæret, ignis consu-  
mens est, peccatorum purgationem faciens: ip-  
se Iesus quem affectatur lux vera est, omnem  
hominem illuminans. Igitur in vita Domini Ie-  
su iuxta gratiam tibi datam versare, in ea medi-  
tare, in ea delectare. Hęc sit tibi requies inter la-  
bores, solatium inter angustias, munimētum in-  
ter tentationes, gaudium inter opprobria. Hęc  
die ac nocte tanquam præciosissimam margari-  
tam in arca pectoris tui reconditam habe: hanc  
vbique tecum circūfer: hęc internis oculis pro-  
grediens quiescensq; amanter inspicere, secundū  
Dei donum, quod sese cordi tuo insinuauit.  
Nō oscitanter neq; perfunctoriē sacrā historiā  
percurras: sed exhibe te præsentem spiritu, qua-  
si ipse corā cerneret ea quæ fiunt, & audires quæ  
dicuntur. Grato animo singula excipe atque am-  
plexare: nam singula ærumnas exilij tui multum  
subleuare delinireq; poterūt, si attentus fueris.  
Nullum aliud beneficium præstitit Deus maius  
illo quod contulit, quando pro nobis homo fie-  
ri pati q; voluit: quare omnino æquum est, vt ip-  
sam

sam dispensationē nostrę redemptionis frequē-  
tissimē animo pertractem⁹, & pro illa sedulò gra-  
tias agamus: nam id & ipsi Domino gratissimū,  
& nobis vtilissimum est.

## CAPVT XX.

**Q**Vando libet reuocare ad memoriā ini-  
tia nostrę salutis, si te humiliora dele-  
ctant, potes mēte cōsiderare, quā se-  
renus Gabriel angelus thalamū sacratissimę vir-  
ginis Marię ingrediatur, quāque officiosē eā salu-  
tet. Ingrederere & tu cum eo, intendens diligēter  
his quę tam ab ipso, quā ab illa dicuntur. Con-  
templare modestiā, honestatem, prudentiam, hu-  
militatē, verecundiā, & sanctitatē beatissimę pu-  
ellę, quę proferente hęc verba, Ecce ancilla Do-  
mini, fiat mihi secundū verbū tuum, mox Dei fi-  
lius Deus omnipotēs in illius castissimo vtero  
virtute spiritus sancti ineffabiliter cōceptus, in-  
carnatus, & homo fact⁹ est. Admirare mysteriū,  
obstupesce ad tantā charitatē Domini, qui pro-  
pter nos frater noster fieri nō est dedignat⁹. Ve-  
nerare sanctissimū illum vterū: exulta & gratias  
age. Deinde exurgēs simul cū ipsa purissima vir-  
gine, eam ad montana conscendentem sequere.  
Accede propius, vt illa introcūte domū cognā-  
tę suę Elizabeth, mutuā virginis & aniculę saluta-  
tionem, mutuūq; colloquium audias. O fœli-  
ces fœminas, quarum altera regem glorię, altera  
preconē gratię in vtero gestat. O apothecę odo-  
riferę, perpetuę lętitię suauitatē spirātes: o bea-  
ti ventres mundo noua gaudia breui profusuri.  
Tandem

## CANON VITÆ

Tandem dulcissima virgine inde redeunte, tu quoque revertere: offerens te illi fidelem comitem, humilemque famulum exhibēs. Postremò cum eadem pregnante, & cum sancto illius custode Ioseph proficiscere in Bethleē: quo perueniens, commiserescere tenerrimæ virginis post diutinam fatigationem stabulum pro diuersorio eligentis. Inspice eam orationi vacantem, & cœlestibus contemplationibus intentam: inspice, mirare, ac dilige. Lætare quod nocte profunda visitauit nos Dominus oriens ex alto: lætare quod illa sine dolore, sine virginitatis detrimento nobis peperit saluatorem, Deum & hominē. Gaude natum esse Messiam: gaude impleta esse prophetarum oracula. Ingredere regis æterni palatium, ingredere stabulum: aspice quæ habeat cunabula Dominus dominantium: aspice conditorem orbis, infantulum in frigoris asperitate vagiētem. Fleste genua ante diuinum illud præsepium: amplectere tenellos pedes redemptoris tui: fige labia, & oscula iterum atque iterum imprime. Vincat vecundiam amor, timorem superet affectus. Dic deuotus, dic humilis & gratus: Adoramus te suauissime puer, adoramus te dulcissime infans, adoramus te ô rex Emmanuel, princeps pacis, lux gentium: tibi gloria in secula seculorum. Tene eum nec dimittas, nisi tibi benedixerit. Consimili modo circa reliquam partem vitæ & conuersationis ipsius Christi te occupare poteris: neque enim locus admittit, vt omnia hic percurramus quæ euangelica narrat historia.



storia. Et fortè suauiores erunt meditatiunculae, quas tu ipse tibi formaueris, quàm ex quas proposuimus. Sanè simplicia sunt quæ præscripsimus, & tamen eadem sublimia admodum sunt. Sic autem considera mores & actus saluatoris, vt eum diligere, & humilitatem, patientiam, charitatem, cōmiserationemque eius imitari gestias. Etiā nuda vitæ Christi lectio plurimū fructus tibi pariet, si verba spiritus sancti (quæ ineffabilem vim in se latentē habent) piè & reuerenter exceperis. Nam & mulier illa quæ sanguinis profluuium patiebatur, ex fideli contactu fimbriæ vestimenti dominici sanitatem recepit. Fimbria vestimenti, li-tera Euangelij est.

## CAPVT XXI.

**P**recipue verò te exerce in beata passione ipsius redemptoris. Poteris si voles singulis diebus aliquam eiusdem passionis partem mentis oculis præfigere. Exempli gratia, Vno die propones tibi Christum in horto constitutum, innocerentem, fixis terræ genibus orantem: & inter stupendi illius agonis pressuras sudorem sanguineum sudantem. Hanc partem eo die meditaberis, & ad eam (si Deus gratiam donauerit) aspectum internum placidè diriges, vbicunque eris vacans ab alijs serijs cogitationibus, atque à legitimis impedimentis liber. Die sequenti similiter recogitabis apud te quid sustinuerit Dominus, quando à Iuda proditus capiebatur & colligatus abducebatur cum opprobrio. Hoc modo ipsam dominicam passionem complebis ex

D ordine

## CANON VITÆ

ordine, & completam iterum repetes ab initio. Si magis libet plures eiusdem passionis portiones singulis diebus percurrere, vel pluribus diebus in meditatione vnius particulæ persistere, aut quotidie eam partem pertractare quæ Christum in cruce pendentem repræsentat, age pro tuo affectu. Liberè sequere eam rationem quæ captui tuo conuenientior, & deuotioni magis accommoda fuerit. Supradictis igitur rationibus occupa te pro tuo modulo circa humanitatem Christi. Hæc mentem tuam ita possideat, vt quicquid phantasmatum aliunde vitiosè se ingesserit, mox dissipetur. Hanc elige in qua tutus requiescas, quàm diu ad altiora non proueheris. Nauis enim est qua mare seculi huius citra periculum pertransire, atq; ad beatam illam patriam foeliciter peruenire poteris. Quancquam Dominus etiam te hic nauigantem eò aliquando fortè sustollet, vbi ab omnibus rerum formis atque simulachris intus nudaberis: vbi omnis actio in te cessabit: vbi denique tu à teipso deficiens, foeliciter transibis in Deum. Eò interdum perducet te manus Domini, si expedierit, vt tempore huius exiliij eò perducaris: si non expedierit, non perduceris eò. Vide autem ne ipsius Saluatoris visibilem imaginem anxie quæras, dū cordi tuo facile non occurrit. Quin potius relicta lineamentorum & corporalis figuræ pressiori imaginatione, concipe mente spiritum Deum intus forisque tibi præsentem: concipe dulcè quandam ac summè amabilem bonitatem, benignitatem, atque

cha-

charitatem : attende eundem ineffabilis maiestatis Dominum vbique presentem, omnia cognoscentem, omnia penetrantē, omnia viuificantem, omnia portantem sine labore, omnia cōcludentem sine ambitu, omnia disponentē sine inquietudine, omnia gubernantē sine tadio. Hæc cōcipe : ita tamē vt in eis nō labores. Nam animæ fidei redemptorē orbis cogitāti, spontē vel etiam necessario aliquid ex prædictis sese offeret. Neque enim ipsa fidelis anima humanitatem tantū, sed & diuinitatem in Christo veneratur. Agnoscit verbum sic carnem esse factum, vt non desierit esse verbum. Vtrūq; diligit & carnem & verbū : vtrumq; adorat & hominem & Deū, vnum Dominū Iesum Christum. Quādo mentē tuam subit sanctæ Trinitatis memoria, nō tibi fabrices absurda aliqua idola, non imagineris patrem & filium & spiritū sanctum esse veluti tres homines, tresue deos : sed agnosce in personarum trinitate vnitatē Deitatis. Pater Deus, filius Deus, spiritus sanctus Deus : & tamen pater & filius & spiritus sanctus, nō tres dī, sed vnus est Deus. Tres sunt personæ, at vna personarum substantia est. Hoc mysteriū fide creditur, humanis rationibus non cognoscitur. Planē sacrosanctæ Trinitatis vna eademq; est natura, vna eadēq; essentia, vna eademque æternitas, vna eademque gloria, vna eademque maiestas, vna eademq; voluntas, vna eademq; omnipotētia. Sicut autē hanc ipsam beatam Trinitatē substantia inseparabilē esse credimus, ita operibus inseparabilem esse profiteamur.

D ij

Quic-

## CANON VITÆ

Quicquid facere dicitur pater, idem facit & filius & spiritus sanctus: quicquid facere dicitur filius, idem facit & pater & spiritus sanctus: quicquid facere dicitur spiritus sanctus, idem facit & pater & filius: quia Trinitas operibus inseparabilis est. Sic dum adoramus patrem, adoramus & filium & spiritum sanctum: dum adoramus filium, adoramus & patrem & spiritum sanctum: dum adoramus spiritum sanctum, adoramus & patrem & filium: quia Trinitas, substantia inseparabilis est. His qui in rebus diuinis minus exercitati sunt, non expedit ut curiosius inquirent Trinitatis rationem. Credant simpliciter atque fideliter, esse Trinitatem, quemadmodum catholica confitetur Ecclesia. Neque enim in die iudicii damnabimur, quod hic naturam Dei nostri exactè non cognouerimus: sed si aliquid temerè dixerimus, dabimus utique pœnas nostræ temeritatis.

### CAPVT XXII.

**V**Bique in promptu habe verba aliqua efficacia, oratiunculasque iaculatorias, quibus spiritum tuum ad Deum reuoces atque eleues. Libet hic subijcere veluti filiuulam quãdam talium precatiuncularum in hunc modum. O anima mea, ecce Deus tuus, ecce creator ac redemptor tuus, ecce qui peccata tua delet, teque sanctificat, ecce vita & salus tua, ecce omne bonum tuum. Vide quantum rex regum humiliauerit se pro te: attēde quàm acerba saluator tuus pertulit pro te: perpende quanta charitate diligat te,

gat te, qui tantam paupertatem, tantamq; calamitatem propter te suscepit in se. Mane cum Domino tuo: ne recesseris à magistro tuo. Neque enim bene tibi esse poterit, si Deum tuum deserueris: neque rursus male si apud eum permaneris. Relinque multa & amplectere vnum: nam vnum est tibi necessarium. Vnus est qui ineffabiliter te amat: vnus sit quem tu quoque singulariter diligas. Bone Iesu, pie pastor, dulcis magister, rex æternæ gloriæ, ego te adoro, tibi benedico & gratias ago, qui tam charum habuisti me, qui tam stupenda fecisti, tamque indigna tolerasti pro me. Propitius esto mihi peccatori: munda, sana, & cōfirma me: dirige, doce, & illumina me. O vtinam tibi hæcenus ingratus non fuisset, vtinam vel modo tibi placere, vtinam emortuæ in me essent passiones, affectionesque vitiosæ, vtinam verè humilis ac mansuetus, verè liber & tranquillus coram te starem. Vtinam tu solus cor meum possideres, vtinam prorsus contemnerem omnia transitoria, vtinam te solum quærerem, tibi soli afficerer, tibi indissolubiliter adhærerem. Vtinam ardentissimè amarem te, vtinam æstuantissimis desiderijs iugiter anhelarem ad te. Eheu Domine mi, quando pura, simplici, & læta mente te colam? quando quieta, stabili, & serena conscientia tibi seruiam? quando ab immensitate amoris tui absorbebitur spiritus meus? Quid volo præter te? aut quid omnia mihi prodesse possunt sine te? tu solus sufficis animæ meæ. O Deus meus, ô amor meus, ô desiderium meum, ô refugium

D iij                      gium

## CANON VITÆ

gium meum: ô consolatio, spes, & fiducia mea: ô pax, requies, & illuminatio mea: ô gloria mea, delitiæ meæ, & omne gaudium meum: ô dulcedo mea, thesaurus meus, & omne bonū meū. Quando te videbo? quando apud te ero? quando mihi filebit iste mūdus? quando omnia impedimenta, omnēsq; vicissitudines hui⁹ seculi mihi cessabūt? quādo soluetur miserabilis captiuitas præsentis exilij? quādo inclinabitur vmbra mortalitatis, & aspirabit dies æternitatis? quādo deposita sarcina corporis huius foeliciter & perenniter cū sanctis tuis laudabo te? Miserere mei Domine mi le su, miserere mei, quia in te cōfidit anima mea. Innumeræ aliæ aspirationes (sic enim vocam⁹ ipsas oratiūculas iaculatorias) formari, vel è sacra scriptura peti poterunt. His quæ à nobis adscriptæ sunt, aliqui fortè iuuabuntur: veruntamen sapidiore erunt eæ quas cuique proprius affectus & gratia spiritus sancti suggesserit, quàm eæ quas sensus affectusque alienus subministrat. Exercitiū quod huiusmodi aspirationibus breuib⁹q; precationibus constat, efficax admodum est ad vitia extirpanda, charitatēque promouendā. Porro fidelem animam talibus studijs deditam mouere non debet, quòd raro forte sentiat se intime copulari Deo ad quem aspirat: ipse enim Deus bonam illius voluntatem sanctūque desiderium suscipit perinde ac si tota amore liquefacta perfecte sibi coniungeretur. Eā anima quæ nō ita dudum reliquit Ægyptum, & quam vitiorū squalor multum adhuc deuenustat, nō sit impudens: hoc

hoc est non temerè se ingerat in sacratissimos illos amplexus sponsi cœlestis: sed prius ad pedes Domini residens, sordes abluere, formam excolere, habitum componere, moresq; corrigere sataget: quæ omnia vbi tandem in melius commutata fuerint, tunc demû liberius (seruata tamen liberali verecûdia) erigat se, & ad sublimiora oscula regis æterni humiliter assurgat.

## CAPVT XXIII.

**Q**Vando itinere, colloquio, vel quauis alia occupatiõe, rationabiliq; causa præpeditus, nō potes cōmodè diuina cogitare: vide saltē ne mala & indigna cogites. Non præcipit Deus vt tu sublimi contēplatione suspēsus, iugiter cœlestibus intendas: (neq; enim eam gratiã omnibus electis suis largitur) iubet tamen vt mentem à vitiosis absurdisq; cogitationibus quantum in te est abducas: quam si aliquid indignum fortè subierit, vult vt illud statim eiicias, & superiorem rationem à consensu modis omnibus liberam conserues. In mystico Christi corpore hi qui gratia perfectioris contemplationis clarent, oculi dicuntur: alij vel manus vel pedes sunt. Non autē oculi dūtaxat, sed & manus ac pedes salui erunt vbi Christus vniuersa sua membra ad se collegerit. Sint igitur innocentes, & sobriæ cogitationes tuæ: sit purum & tranquillum cor tuum. Quicquid illud inquinare, quicquid quietum mentis statū perturbare potest, diligenter vitato. Deus vbique te intuetur, & etiam abditissima intentionū, affectionumq; tuarum perfe-

## CANON VITÆ

Et cognoscit. A deo tibi præfens est, adeo intra  
 te est, vt nec digitum quidem sine eo moueas.  
 Hoc prorsus persuasum habe, hoc crede: & præ-  
 sentiam illius ama ac reuerere: erubescens ali-  
 quid admittere, quod oculis tam excelsi, tamque  
 intimi spectatoris displiceat. Sanctam discretio-  
 nem vbique seruato. Neque enim expedit vt  
 quæcunque bona alios fecisse legis vel audis, ea  
 tu mox nulla infirmitatis tuæ habita ratione, fa-  
 cias. Disce gratiam tibi donatam humiliter sub-  
 sequi, non autem impatienter præcedere. Ne in-  
 quam coneris mentem illuc cum effreni impetu  
 impellere, quo nondum conscendere potest: neque  
 ad ea præstanda violenter ipse te perurgeas, quæ  
 virtutem corporis aut animi tui prorsus superant.  
 Si fuerit vtile, vt ad sublimitatem theoriæ coele-  
 stis peruenias, ipsa Dei gratia melius eo te dedu-  
 cet, quam importunus tuus conatus ac labor.  
 Vis fortè repente summus fieri, vis ad perfectio-  
 nem prouolare potius quam progredi: at paucis  
 planè id conceditur, neque enim expedit vt om-  
 nibus concedatur. Humilis esto, recumbe in no-  
 uissimo loco: fortassis aliquando dicet tibi pa-  
 terfamilias, Amice ascende superius. Quid ca-  
 put tuum exagitas? quid mentem affligis? Deus  
 non exigit vt in obsequio quod illi impendis, te  
 ipsum crudeliter excarnifices: sed vult te esse &  
 spiritu & corpore sanum ac vegetum, nisi aliter  
 ipse pro tua vtilitate ordinauerit. Quare tur-  
 baris quòd ea exercitia persequi non valeas quæ  
 alij persequuntur? Non refert qua incedas, mo-  
 do ad



do ad charitatem peruenias. Diuersæ viæ ad illam perducunt : & quæ vni commoda est, alteri fortè non est omnino commoda : quia non omnibus eadem exercitiorum ratio conuenit. Talia igitur assume exercitia quæ captui tuo congruant: non tam spectans quid aut quantum alijs præstiterint præstentque, quàm quid aut quantum tu præstare possis.

## CAPVT XXIIII.

**O**bserua prorsus ne inualidis humeris tuis tam graua imponas, vt oppressus obrutusque sub onere cogaris corruere ac deficere. Etiam in sanctis flêtibus modus habendus est, ne caput debilitetur : maxime dum ipse lachrymæ cum vehementiori contractione funduntur. Si vel simplici sensibilis compunctionis pulsu animaduertes lassari spiritum tuum, eam solerter subterfugito. Quando deuotionis gratia præsens est, non intempestiuè spiritum tuum perurgeas ad maiorem feruorem: sed placidè amoris insiste. Non irreuocabiliter te astringas ad magnū & intolerabilem aliquem precum numerum quotidie persoluendum, quin potius pro tuo affectu minue, vel auge tua exercitia: nisi votum aut obedientia aliud exposcat. Si causa aliqua exigente, ipsa eadem priuata voluntariâque exercitia etiam ex integro aliquando omiseris, non ob id nimium angaris: sed vbique liber & tranquillus in Domino esse studeto. Quid ægre fers, quòd non possis iugiter instare precibus? Si bene viuīs, si à peccatis sedulo abstines, si tē-

## CANON VITÆ

pus vtiliter expendis, si te in conspectu Domini  
 verè humilias, si Deum & cœlestem patriâ suspi-  
 ras, semper precaris: sancta enim vita, sanctumq;  
 desiderium coram Deo assidua oratio est. Opor-  
 tet tamen te precandi studio esse deditum: ut si  
 non continenter, certè frequenter prijs doxolo-  
 gijs atq; orationibus vaces. Quando libet pro a-  
 liquibus viuis aut defunctis prolixius orare, aut  
 quando vis diutius immorari cultui alicuius san-  
 cti, si vel otium non suppetit, vel alioqui confu-  
 sionem mentis suspectam habes, non erit necesse  
 ut cõlueta piarum actionũ exercitia prorsus im-  
 mutes: sed satis fuerit, si ea ipsa ad salutem illorũ  
 viuorum aut defunctorum, vel ad honorem illi-  
 us sancti perficere coram Deo statuas. Nam secũ-  
 dum tuam intentionem opus tuũ à Domino æ-  
 stimabitur suscipieturq;. Sãctos verè veneramur  
 dum colimus Deum qui fecit & sanctificauit il-  
 los: sicut rursus Deum verè colimus, dum san-  
 ctos in quibus ipse habitat, & quos in cœlis iam  
 sibi coniunxit, veneramur. Necessariam cibi, po-  
 tus somniq; indulgentiam corpori non neges:  
 in ea re non sis multum acer, nisi spiritu sancto  
 reuelante certò didiceris singularem abstinenti-  
 am Deo in te placere. Immoderata enim illarum  
 refectionum subtractio (sicut & nimis vehemens  
 infirmioris intellectus labor, nimisq; vehe-  
 mens imaginatio) tam spiritui, quàm corpuseu-  
 lo plurimum incommodat & amentiam plerun-  
 que parit. Grata quidem sunt Deo ieiunia, gra-  
 ta vigilia, grati labores externi, dum discretio-  
 ne ser-

ne seruata propter ipsum Dominum suscipiuntur : longè tamen gratior est cordis puritas, longè acceptior humilitas & charitas. Nam propter has virtutes illa, non hæc propter illa mandantur. Ergo omnia quantum in te est sic ordina, sic tempera, sic moderare, vt nusquam libertatē internam amittas, nusquam mente confundaris, nusquā viribus succumbas. & tamen ea ad quæ obseruanda faciendæque voto vel obedientia astringeris, temerè non omittas.

## CAPVT XXV.

**V** Ide ne tua exercitia peragas cum perti-  
naci propriæ electionis decreto : sed etiā  
in illis temetipsum abnega. Internū spi-  
ritus sancti inuitamentum, latentēq; energiam  
& instinctum, diligenter obserua, ac promptè se-  
quere : paratus ipsa exercitia pro eius voluntate  
non autem pro inconstantia leuitate mutare, po-  
nere, positaque resumere. Aliquando in tuis pri-  
uatis orationibus, & sanctis ad Deum aspiratio-  
nibus fortè iuuabit te ore placide proferre quæ  
precaberis : aliquādo commodius vtiliusque illa  
pertractabis mente tantum. Aliquando qualibet  
absque longiori mora pertransire, aliquādo diu-  
tius in quibuscumque per meditationem immorari  
gaudebis. Aliquando solo desiderio, vel certe  
paucissimis verbis orare, eadēque per suauem  
affectum sæpius repetere, aliquando pluribus di-  
uersisque verbis precari placebit. Aliquando ex  
libro ipsas preces legere, aliquādo citra libri ad-  
miniculum easdem Deo offerre dulce erit.

Aliquan-

## CANON VITÆ

Aliquando psalmodia, aliquando aliqua alia cōtemplatio palato cordis tui magis sapiet. Deniq; aliquando hoc, aliquando illud arridebit; & aliquando illam, aliquando istam exercitiorum rationem sequi iuuabit. Diuersis enim modis interiore nostrum hominem spiritus sanctus afficere, diuersisque vijs eum ad thalamum diuini amoris deducere consuevit: ad cuius pulsum atq; euocationem semper paratissimi esse debemus, vt quacunque voluerit inflectamur, omni propria electione reiecta. Suauitatem deuotionis in ipsis tuis exercitijs impurè ne quæsieris. Non in ea turpiter conquiescas: sed per eam ad Deum progredere. Admodum periculosa est spiritualis ingluuius, qua quis dulcedine gratiæ ad oblectationem sui abutitur. Anima quæ hoc vitio altius infecta est, non potest dici pudica & fidelis famula Christi: neque enim Deo gratis obsequi vult, sed Dei donū magis quàm Deū diligit. Seruula mercenaria, non filia liberalis est. Si minus ei ad blanditur suauitas illa sensibilis, mox ipsa tota amarulenta, tota indignabunda, tota turbulenta, tota impatiens, pietatis studia deserit: & timoris pudorisq; habenis excussis, dat se prorsus externis consolationibus. Videlicet si Deus eam oblectare vult, Deo seruit: sin minus, ab eo recedit. Anima verò quæ fidelis ancilla, vel pudica sponsa Christi appellari meretur, non in Dei donis, sed in Deo quiescit. Siue Deus ei infundat internam suauitatem, tranquilla permanet, hilariter suo sponso famulatur, fideliter ei adhæret,

adhæret, constanter eum diligit. Magis optat voluntatem Dei fieri quàm suam. Igitur cura ut ubique casta puraq; sit tua intentio: lætitiâ salutarris Dei hic expete, non tam ut delecteris, quàm ut ipsi Domino placeas.

## CAPVT XXVI.

**S**I tibi oranti, aut sacrificanti, aut diuina meditantî, aut sacrę lectioni insistenti, aut quoduis aliud sanctum opus facienti, deest sapius ille deuotionis affectus, perge tamē in incœptis: & piū concipiens desiderium placendi Deo, offer ei cordis tui sterilitatem ac laborem in laudem æternam: Sic enim ipsa ariditas quam perfers, non minus erit illi grata, quàm internę dulcedinis affluentia: imo verò fortè gratior. Rationalis siquidem deuotio longè certior, ipsiq; Domino acceptior est, quàm deuotio sensibilis. Est autem deuotio rationalis, quādo quis quodlibet peccatum odit & execratur, promptaq; voluntate Deū colit, & ea quę Deo placere cognoscit strenuē amplectitur atque peragit. Si hanc deuotionem habes, nihil decedet mercedi tuę, etiam si illam alteram non habeas. O quàm sapienter Deus nos à superbia vel purgat si ea infecti sumus, vel defensat si non sumus infecti. O quàm misericorditer huius exilię amorem ab animis nostris præcidit, & beatam illam patriam suspirare nos compellit. O quàm pię salutem nostram etiam nobis non intelligentibus operatur. Merito itaque eum tunc quoque laudare debemus, quando nos diuersis miseris atque calamitati-

## CANON VITÆ

mitatibus expositos veluti deferit. Reuera enim nunquam deferere potest, quos humiles bonæque voluntatis esse conspiciat. Reuelationes cœlestes ne curiosè expetas. diuersis enim periculis diuersisque diaboli laqueis patent, qui ipsis reuelationibus temerè inhiant, & eis leuiter fidem adhibent. Nam communis noster hostis sæpè transfigurat se in angelum lucis: vt eos qui minus attenti sunt decipiat. Si visioni tibi ostensa mox non credis, sed humiliter dubitas, donec rem euidentius certiusque cognoscas, Deum non offendis, etiam si ab ipso Deo illa manifestetur. Ex reuelationes quæ cœlitus pijs ostenduntur, mentem tandem consolari, emollire, humilemque reddere solent: contra, visiones dæmonum dolo & præstigijs confictæ, nihil aliud, quàm ipsam mentem conturbare, indurare, & peruicacem efficere consueuerunt. Quando à Deo benignè visitaris, quando tranquilla & serena sunt omnia, tu meræ illius gratiæ atque pietati id refer acceptum, non tuæ diligentia, neque tuis meritis aut laboribus. Nullo pacto tibi placeas, nulla ratione ineptæ lætitiæ, aut periculosa securitati te tradas: sed in sancta vigilantia, timoreque sancto iugiter contine te ipsum, paratus recipere tribulationem inopiamque spiritualem vbi Dominus eam ad te redire voluerit, ne de illorum sis numero quos Salomon designauit dicens, Prosperitas stultorum occidet eos. Donum acceptum non intempestiuè apud te magnifices, neque de eo apud alios passim loqui gestias (diuulgare

uulgare tamen illud verecundè humiliterq; poteris, si vtilitas spiritualis vel necessitas exegerit) quin potius cogitationē tuam ab ipso dono tunc auerte, perinde ac si nihil accepisses. Deoq; intēde. Si illud exactius apud temetipsum expēdere vis, ad hoc solum expende, vt & Dei erga te pietatem, & tuam erga Deum ingratitudinem melius animaduertas. Quod Dei est, totum Deo tribue, & gratus esto: tibi verò nihil adscripseris præter peccatum. Agnosce te seruum esse inutilem, indignumq; omni solatio & gratia: vt quāto magis proficis, tanto magis humiliaris. Sola enim humilitas efficiet, vt bona quæ in te sunt, integra in te permaneant. Sane affectus illi, sensibili amore ac dulcedine pleni, quamuis præclara signa ferē sint, non tamen indubitata indicia salutis iudicari debent, nisi spiritus sanctus reuelauerit. Nonnunquam enim sunt affectiones naturales magis quàm diuinæ: & in eo etiam corde quod à Deo alienissimum est, gigni possunt. Quare nobis ipsis semper vilescere, & inter castum timorem ac sanctam spem nauigare debemus, quā diu in fluctibus vitæ præsentis versamur. Quando sacrosanctam Eucharistiam suscepturus es, vide ne tremendæ atque cœlesti illi mensæ indignè assistas. Deprime spiritum tuum, abde te in vallem profundæ humilitatis: confitere, & prorsus confitere te esse peccatorem. Ora Dominum vt animam tuā purificare, suisque meritis ac virtutibus exornare dignetur. Accede in memoriā charissimæ incarnationis, passionis, & mortis eius, plena fide

## CANON VITÆ

fide, certa spe, synceroq; affectu: vt. vere dicere possis, Desiderio desideravi hoc pascha manducare. Suscepto demū rege gloriæ, sollicitus esto ne quid admittas quod oculos tanti hospitis offendant. Quod si fortè aliquid huiusmodi commiseris, & animam tuam peccando vulneraueris: mox ad poenitentia remedium, & ad diuinæ misericordiæ confuge medicinam.

### CAPVT XXVII.

**C**ommunes actiones, & ea quæ vel ad obedientia rationem, vel ad proximorū necessitates spectant, semper tuis priuatis exercitijs antepone, adeò vt tuus esse desinas. Eximia virtus, eximia planè virtus obedientia est: contra, nolle acquiescere, grauissimum omnino scelus est. Vili quopiam opere per obedientiam fideliter peracto, nonnunquā magis proficies in vitæ perfectione, quàm sublimibus exercitijs ex propria electione susceptis. Quicquid per inobedientiam feceris, totum à Deo rejicitur, totum in perniciem, non in vtilitatem tibi cedit. Obedi igitur Deo, obedire Ecclesiæ catholicæ, obedire his qui vices Dei gerunt: obedi antistitibus tuis, eosque reuerere, etiam si ipsi minus rectè viuere videantur. Nam si his non obedis, Deo non obedis. Ipse enim dicit, Qui vos audit, me audit: & qui vos spernit, me spernit. Nihil prorsus prætuleris sanctæ obedientia: sed humiliter obtempera in omnibus, quæ certò mala non sunt. Hæreses non aliunde sumunt originem, quàm ex superbia & inobedientia.

Quid



Quid enim faciunt hæretici? Simpliciter quæ est in Christo subfannant: sanctas Ecclesiæ traditiones atque consuetudines contemnunt, eas vana hominum somnia, frigidæque cæremonias impiè appellât: blasphemiarum acervos in sanctos sanctasque Dei, in Christi matrem virginẽ Mariam, in sacramenta nostræ religionis, in ipsam denique beatissimam Trinitatem ausu temerario congerunt. Fideles & catholicos quosque irrident, exhibilant, oderunt, persequuntur: se sapientes, se euangelicos, se spiritu sancto plenos esse existimant. Absurda dogmatum monstra cõminiscuntur, proprio sensui pertinaciter inhærent: nolunt sequi patrum orthodoxorum vestigia, nolunt inclinare ceruices ad pedes matris Ecclesiæ: sed pleni arrogantia, pleni inuidia, pleni insano furore, in peruersis dogmatibus persistunt. Quos etiam duritia cæcitasque mentis eò dementiæ plerûq; perducit, vt mortẽ intrepidè atq; alacriter pro defensione suorũ errorũ subeant, effecti nimirum martyres, nõ Christi, sed satanæ. In martyribus Christi sancta mentis humilitas relucet: in martyribus diaboli præfractus animi tumor apparet. Tu pro talibus Deum sedulò precare, & pestilentes corũ opiniones execrare. Decretis ipsius Ecclesiæ, quam spiritus sanctus semper moderatur, obtempera: eius institutionem, sicut & ipsum Euangelium sequere, etiam si plurimas non solum ex communi plebe sed ex præsulibus optimatibusq; in ea vitijs seruire conspexeris: area enim est, grana simul &

E palcas

paleas continens. Proprii sensus obstinationem  
 caue. Eos qui spirituales sunt, quique Deum ti-  
 ment, libenter consule: talium iudicium tuo iu-  
 dicio præfer. Neque enim facile errat, qui hu-  
 milis est, & alienæ magis quàm propriæ pruden-  
 tiæ innititur: quod si in huiusmodi simplicitate  
 errauerit, non ei errorem imputat Dominus.  
 Vitiosam singularitatem fuge. Quantum in te  
 est prospice ne alicui sis scandalo. Si tamen te  
 faciente vel dicente ea quæ omittere & retice-  
 re non licet, aliquis offenditur, non propterea  
 desistas ab inceptis: sed humiliter pergens, &  
 pro his orans qui scandalizantur, Deo cõmittere  
 negotium. Omnia membra tua, omnesque sen-  
 sus tuos sedulò rege ac contine. Esto composi-  
 tus & maturus in moribus, hilaris & serenus in  
 vultu, pudicus & verecundus in aspectu, placi-  
 dus & modestus in voce, innocens & purus in  
 cogitatione, fidelis & strenuus in opere, beni-  
 gnus & affabilis in conuersatione, ita tamen vt  
 ipsa affabilitas tua ineptam lætitiā nesciat. A  
 nugis vitiosis, à risibus excussis, à iocis debita  
 honestate, debitoque rēperamento carentibus,  
 prudenter abstine. His enim illiberalibus liber-  
 tatibus, puritas cordis læditur, & claustra sancti  
 pudoris violantur. Tu quidem congruis tem-  
 poribus potes animum ad Dei honorem relaxa-  
 re recreareq; etiam in rebus externis, vt ad spiri-  
 tualia exercitia reddaris vegetior: sed modera-  
 tē & purē id faciendum est. Deus non iubet vt  
 nullum prorsus capiamus solatium ex creaturis  
 quas

quas in sui laudem condidit: non præcepit ut ab illis separemur, nisi quatenus nos à familiaritate amoreque ipsius impediunt. Impediunt autem nos, quando illis plus quàm oportet, vel aliter quàm oportet afficimur, quãdo illis inhærem⁹, quando in illis conquiescimus. Inordinatus igitur affectus penitus refecandus est: quo amputato iã ipsæ creaturæ nõ separabunt nos à Deo, sed ad eum veluti manu ducēt. Quicquid suauē, quicquid iucūdam, quicquid amabile, quicquid admirabile se sensibus offert, id castè excipe, & ad Deum, vel ad æternæ beatitudinis statum referre disce. Sic enim delectaberis in Domino.

## CAPVT XXVIII.

**P**rofectò si ipsæ creaturæ exactè prudenterque considerentur, mirificè animum cōsiderantis in admirationem rapiunt, & ad laudem atque amorem summi conditoris non parum accendunt. Nam vniuersus iste mundus veluti quidam liber est digito Dei scriptus: in quo singulæ creaturæ tanquam singulæ literarum figuræ sunt. Quemadmodum autem is qui literas non nouit, si librum apertum inspiciat, videt sanè ipsarum literarum characteres, vim tamen & significationem earum non comprehendit: ita is qui non percipit ea quæ Dei sunt, conspicit quidem externarum creaturarū speciem: sed internam illarum rationem non intelligit.

Vir enim incipiens nõ cognoscet, & stultus non intelliget hæc. Cæterum homo spiritualis, qui oculos animi habet apertos, dum exterius Dei

E n opifi

## CANON VITÆ

*Psal 91.103.*

*Roman.1*

opificium contemplatur, quàm mirabilis sit ipse opifex intus concipit : & ex pulchritudine rerû quas considerat , transit ad pulchrum illud pulchrorum omnium pulcherrimum, vnde omnis pulchritudo profluit. Cui in hac iucunda contemplatione constituto, singula quæque prorsus miraculo sunt: adeo vt ipse obstupescens cû Propheta exclamare cogatur, Quâ magnificata sunt opera tua Domine, omnia in sapiëntia fecisti, delectasti me in factura tua, & in operibus manuum tuarum exultabo . Sanè non minus stupendû videri debet, quòd humor vitis in vinû (Deo disponente) quotannis conuertatur, quàm quod olim in Cana Galileæ eodem iubente aqua in vinum mutata fuerit: & maius est multos quotidie creare qui non erant , quàm his qui mortui fuerant vitam reddere. Nulla tam exigua, vel (vt ita dicam) tam vilis creaturula est , in qua non reluceant hæc tria Dei inuisibilia, potentia, sapiëntia, & bonitas. Itaque Deus per ea quæ fecit agnoscitur, quæadmodum beatus Paulus asserit dicens, Inuisibilia eius à creatura mundi per ea quæ facta sunt, intellecta conspiciuntur. Quanta quæso admiratione dignum est, quod ipse Deus cœlû, terram, & omnia quæ his continentur, ex nihilo creauerit, pluraq; creare possit, quum sit substantiæ pelagus infinitum. Fecit omnia (solum peccatum non fecit, neque enim ipsum aliquid esse dici debet) conseruat item omnia . Nam si virtute sua non conseruaret illa quæ condidit, mox vniuersa redigerentur in nihilum : quia ex se nihil sunt, &

sunt, & omnino dependent ex Deo à quo facta sunt. Curat omnia: attingit à fine vsque ad finem fortiter: & ab angelo vsque ad extremū vermiculum disponit omnia suauiter: itavt nec folium quidem ex arbore decidat absque eius prouidentia.

## CAPVT XXIX.

**P**otentiam ipsius conditoris manifestat rerum creatarum multitudo & quantitas: sapientiam ostendit species & qualitas: bonitatem declarat vtilitas. Quàm multa creauit deus? Numerata stellas cœli, arenam maris, puluerē terræ, pluuiæ guttas, auium plumas, pisciū squamas, pilos quadrupedum, folia & fructus arborum. Numerata homines, volucres, pecudes, plātas, lapides: numerata cœtera omnia si potes, si non potes confitere esse innumerabilia. Quam verò magna creauit Deus? Metire moles montium, tractus fluminum, spatia camporum, altitudinem cœli, profundum abyssi. Rursum quā parua creauit Deus? Nam ipsa quoque ad quantitatem spectant: & non minor potentia est, parua ex nihilo creasse, quàm creasse maxima. Igitur quàm parua creauit Deus? vt prætereamus inanimata, attēde papiliones, muscas, culices: attēde scolopendras, formicas, tineas: attēde singula insectorum animalculorum genera. Iam quàm apta, quàm pulchra sunt quæ creauit Deus? Inspice structuram & compagem corporis humani, inspice fabricam cœli, considera elementorum dispositionem temporumque vicissitu-

E. iij. dines,

## CANON VITÆ

dines, considera cætera omnia, & vbique miram harmoniam, miram conuenientiam, mirum ornatum inuenies. Nam si vel folium arboris contemplari volueris, deprehendes in eo stupendum quoddam artificium. Videbis quàm aptè ea parte sit robustius, qua parte ramis suæ arboris est magis vicinum: videbis quàm conuenienter se dilatet, quàm pulchrè desinat, quàm decenter per gyrum veluti serratis dentibus circūsepiatur, quàm concinnè productis huc illucq; costulis in sese intexatur. Inspice vnum aliquod, inspicce & alterum eiusdem generis: tot inuenies dentes in vno, quot dentes in altero, tot costulas in vno, quot costulas in altero, talem figuram in vno, qualem figuram in altero. Quid porrò hac luce pulchrius? quid sereno cælo amœni? quid rutilo sole venustius? quid lunæ stellarūq; decore comptius? quid variorum flosculorum elegantia speciosius? Quid verno tempore magis formosum? in quo horti, prata, syluæ, agri, rediuiuo vestita ornatu, iucundissimum spectaculum nobis exhibent: in quo herbarum ac plântularum germina latente quadam naturæ vi (quâ ipse conditor indidit) è terra mirabiliter prodeunt, & erecta sursum in suas spicas tanquam morte proculcata, statum & gloriam futuræ resurrectionis appositæ designant. Taceo de his quæ deformia videntur: nam & in eis pulchra admodum est ipsa deformitas, aspectumq; non parum demulcet. Transeo ad illa quæ auditum, olfactum, gustum, & tactum oblectant.

Quid

Quid philomenarum & galeritarum cantu gratius? quid liræ & cytharæ modulatis sonis dulcius? quid rosarum ac liliorum redolentia suauius? quid sapore diuersorum fructuum atque condimentorum delectabilius? quid bysso & serico lenius? Omitto hic & ea quæ aspera, & ea quæ amara sunt. Ecce autem omnia & magna & parua, & pulchra, & deformia, & dulcia, & amara, & lenia & aspera, summus ille rerum opifex ad sui laudem, hominumque vtilitatem, vsum, eruditionem, ac solatium condidit. Pauca perstrinximus, quia locus non admittebat vt multa diceremus: cæterum omnia nec animo quidem comprehendere possunt, nedum verbis explicari. Tu ex his quæ dicta sunt, discere philosophari etiam in alijs, quæ à nobis expressa non sunt. Omnia grato oculo contemplare. Dic nonnunquam apud te metipsum hæc aut similia: O quàm potens & quàm magnus est, qui tam multa, tamque immensa creauit. O quàm pulcher & suavis est, qui tam amœna & dulcia condidit. O quàm bonus & liberalis est, qui omnia ista donauit. Ad hunc modum per creaturas transi ad creatorem, ex creaturis mirare conditorem, cum creaturis lauda benefactorem. Si defœcato cordis oculo potueris considerare etiam inuisibiles Dei creaturas, animam rationalem puritate & sanctimonia ornatam, angelos, virtutes, potestates, dominationes, cæterosque cœlestis auxilium ciues, iam miraculis obrutus, à teipso prope modum alienaberis.

## CANON VITÆ

## CAPVT XXX.

**Q**Uæ agenda sunt (etiam dum manducare, bibere, dormire, vel quoduis aliud solatium carni indulgere oportet) tu tali consideratione præueni, vt ea ipsa purè ad dei honorem facere desyderes. Nam quemadmodū opus quod ex se grande ac magni momenti videtur, Deo prorsus displicet, si operantis intentio impura fuerit: ita opus quod ex se frigidum nulliusque momenti iudicatur, Domino plurimum placet, si operantis intentio fuerit recta. Etiam si pietate ductus ceruicem tantum inclinaueris ante crucifixi Iesu imaginem, vel ad altare Dei genitricis Mariæ flosculos obtuleris, aut pedem moueris propter charitatem, non frustraberis à sp̃e iustæ mercedis. Secundum Beati Pauli doctrinam, Curam carnis ne feceris in desyderijs. Ingluuiem execrare: cibum & potum compositè sensimque sumito, omni ferina auiditate exclusa. Non oneres ventrem plus quam oportet: ne prægrauatus ineptior sis ad interna exercitia. Præcipuè vero largior vini vsus tibi suspectus sit. Frustra ad spiritualem vitam aspiras, si tanquàm vile quoddam impurarum voluptatū mancipium escis te ingurgitas, gulæ incitamenta nusquam reprimens. Nimiam indulgentiam, nimiamque abstinentiã, pari diligentia vitato. Aliquando enim vel tantillum cibi fortè fastidies, quantum naturæ fouendę necessariū est, Si contigerit te minus attentum esse, paululumque metas sanctæ sobrietatis prætergredi, leue quidem erit



erit peccatum, non tamen erit negligendū. Agnosce culpam, suspira, innoua propositum: & omni pusillanimitate reiecta, confide in Domino. Lautiores epulas vitiosè ne exquisieris: & dum tales exhibentur, eas tanquam si simplicissimæ essent sumito. Ipsa victus tenuitas nunquā ad indignationē puerileſve querimonias te pro uocet: sed patiens esto. Nam & Christus Dominus pro te felle atque aceto potatus fuit. Delectationem illam quam esus potioque naturaliter conciliat sic admitte. vt in ea non quiescas: non magis illa te occupet quā si non adesset. Sedulo gratias age pro beneficijs quę tibi à Deo quotidie præstantur. Si legitimè vxorem duxisti, ipsam solam thori participem habeto: & ea non nisi castè ac legitimè vttere. Memineris te hominem esse, non brutum pecus. Igitur ratio, honestas, pudicitia, & timor Dei, ipsum coniugiū quo vxor tibi, tuque vxori mutuò alligati estis, exornet. Si non habes vxorem, aut si spretis carnis amplexibus puras spiritus nuptias elegisti, si ad perfectæ castitatis obseruantiam statu vel professione adstrictus es: castissimus esto mente, castissimus & corpore. Quando fit mentio copulæ carnalis, ne ibi hæseris: sed quantum in te est, simplicissimè leuissimèque huiusmodi opus præteruola: sciens id non esse aliud quā ministeriū quoddam propagationi generis humani subseruiēs. Quod si aliquis illecebrarum pruritus carnem titillauerit, repugna ratione. Felix omnino esses si motus minus decentes, nec sentires qui-

E. v. dem: sed

Psal. 118.

dem: sed & fœlix eris etiam si senseris, modo nō consentias. Mulieris faciem curioso lasciuoq; aspectu ne contempleris. Occasiones malorū prudenter declina. Si necesse fuerit te ibi esse præsentem, vbi euidentiores peccandi occasiones habentur, muni infirmitatem tuam precibus & Deum inuoca dicens, Fiat Domine cor meū & corpus meum immaculatum coram te. Ea quæ audis & vides, consueſce inflectere ad spirituale profectum Dei; honorem. Quietem & silentium dilige, secretum mentis quære, & cum Deo tuo intus versare. Quod nihil ad te attinet, quodque prorsus inutile est, id tu perquire, audire, cognoscere, vel inspicere ne sis audus. Non extra te, non circa aliorum facta curiosus fueris: sed intra te, & circa propria vitia sit tua occupatio. Non inquam, affectes aliorū mores & vitam discutere: non illis obseruandis te implices, nisi officij tui ratio requirat. Sed & si officium poposcerit, temperanda tamen erit istiusmodi sollicitudo: ita vt aliena eatenus cures, quatenus necessitas, vel animarum salus exigit, non quatenus curiositatis libido, animiq; leuitas suadet. In negotijs præcipitem & turbatū spiritus impetum fuge, ne interiori libertate spoliaberis. Otium omnium malorum parentem, certissimūq; animarum exitium perhorresce: torporem ex animo sedulò expelle. Quamuis corpus fortè langueat, non tamen ratione prorsus cesseris socordie: sed spiritu & voluntate promptus esto. Somnolentiꝝ intempestiuꝝ sicut non  
semper

semper obsequi debes, ita dum molestior est, aliquid pro oportunitate loci & tēporis interdū cōcedere potes: vt leui breuiq; dormitatiōe recreatus, resurgas alacrior ad opera necessaria.

## CAPVT XXXI.

**L**inguae tuam à verbis illiberalibus minusque honestis compesce. Quæ utilia & vera sunt, quæque conueniunt, dum tempus, locus, vel causa exposcit, sapienter loquere, omnidolo prorsus excluso, omniq; vitiosa simulatione reiecta. Exiguū membrū est lingua: sed lubricum admodum, & ad ruinā procliuē. Eam tu diligenter contine, & prudenter moderare. Verba tua odiosa mordacitate aculeisq; immodestis & intempestiuis careant. Contentiones fuge: cum pertinacia facilē neq; asseueraueris neque negaueris quicquam, nisi causa fidei aut salus animarū exigat. Dum veritatem placide pronūcias, si nihil proficis, deinceps vnicuique suum relinque iudicium, & Deo omnia committēs teipsum in pace cōserua. Præstat enim vt oportunē cedēdo quieti proprię cōscientię consulas: quā vt importunē disceptādo & clamitādo interiora tua cōturbes atq; cōfundas. Quæ ad laudē tui, vel ad dedecus proximi spectare videntur, ea tu neque cupidē loquaris, neque cum voluptate audias. Quod si talia vel loqui, vel audire necesse fuerit, innocens puraq; intētio adsit. Periculoso morbo laborat, qui de aliorum vitijs libēter loquitur, eaq; temerē prodit. Talis, sepe pietatis & iustitiæ zelum falsō prætexit in his quæ ex mera animi

## CANON VI TÆ

animi leuitate prauaꝫ passione loquitur. Quando aliquis à te corripiciendus est, cum hortando, monendoꝫ, potius quàm increpando, vel passim infamando conueni, quam diu res lenitate admittit. Si sc̃uiendum est, vide vt sine felle sc̃uias. Nō furor, non propria causa, sed Dei amor animarumꝫ salus vehementiorem correptionem abste extorqueat. Ratio in te permaneat trāquilla. Ipsam sermonis asperitatem sancta discretio regat & temperet. Persequere peccatum, non hominē. Nam homo res bona est quā Deus condidit: peccatum res mala est, quam homo fecit. Intus dulci affectu miserere eius, in quem foris videris acriter inuchi, & ipsum tibi ex corde præpone. Si sentis animū tuum grauius esse turbatum, differ correptionē, donec cessauerit istiusmodi commotio, vel certē paucula tantū verba absque impetu tunc loquere. Eorum sermonem qui impudica, vel alioqui perniciosa loquuntur, honestē quantum in te est. succide, & ad alia transfer. Exhorresce non solum consentire, sed etiam diu præbere audientiam obtrēctatoribus. Peccatis alienis nunquā faueris. Nullum hominem oderis, nulli vel signum minus synceræ affectionis volens ostenderis, quantumuis etiam fortē fueris læsus. Si exoritur in te aliqua aduersus alterum animi alienatio, mox eam præfoca: quod si non præuales illam extinguere, ratione contradicito. Quando Deus offenditur, fortē potes tunc quidem dissimulare consuetam familiaritatem erga delinquentem, vt ipse cōspiciens te

ciens te veluti immutatum, ad cor facilius redeat, & peccatum suum agnoscens se citius corrigat: veruntamen non debes illi malè affici, nec animi erga eum beneuolentiā deponere. Si dissidium inter te & alterum enatum fuerit, mox ea quæ turbata sunt) quantum ad te attinet) ad tranquillitatem reuoca, & de reconciliatione tracta: ita vt nullum simultatis vestigium in corde tuo remaneat. Ingēs malum, ingens prorsus malum est odium in proximum: quo animam occupante nihil iam geritur, nihil fit quod Deo placeat. Quamuis multum iciunes, quamuis elæmosinas largiter tribuas, quamuis templum assiduè ingrediaris, iugiterque ores, quamuis cœleste illud sacrificium quotidie in altari offeras: si fratrem odisti, non es ex numero filiorum Dei. Charitate filij Dei à filijs diaboli secernuntur. Tremenda sententia, sed vera. Dicit ipsa veritas, In hoc cognoscent omnes quia mei estis discipuli, si dilectionem habueritis ad inuicem. Dicit Apostolus veritatis Ioannes, Omnis qui non diligit fratrem suum, non est ex Deo. Ex quo ergo: Sanè quilibet vel ex Deo vel ex diabolo est. Omnes igitur homines purè ama, omnes honora: in omnes & beneuolus, & (quantum commodè licet) beneficus esto: omnes amico oculo tanquàm fratres & sorores, tanquam creaturas Dei præstantissimas, æternæque beatitudinis capaces contemplare, vt placeas patri tuo qui in cœlis est.

Iohan. 13.

I. Iohan. 3.

## CAPVT XXXII.

## Suspicionēs

## CANON VITÆ

**S**uspitiones indignas iudiciaque temeraria  
reijce: de omnibus rectè opinari disce.

Homines sumus, facilè fallimur: solus De-  
us cognoscit corda. Non leuiter neque temerè  
credideris his, qui aliqua in infamiam aliorum  
referunt. Sarius est putare falsa fortè esse quæ di-  
cuntur, quàm cito fidem dictis adhibere. Si ali-  
quorum cura tibi commissæ est, vigila: & quâ-  
uis aliquando metuas ne ibi malum lateat, vbi  
malum non est, nunquam tamen fixa mente su-  
spiceris ibi malum esse, vbi vtrum malum lateat  
incertus es. Quod si violentius se ingesserit in-  
tempestiua suspitio, ne consenseris, sed oblueta-  
re. Qui nimis facilè de alijs sinistra cogitat, mi-  
ser admodum est, raro conquiescere potest. Er-  
go quæcunque manifestam Dei offensionem nō  
habent, & quæ tibi incerta sunt, ea in meliorem  
partem interpretari consuesce. Si peccauit ali-  
quis, commiseresce: & factum piè apud te excu-  
sa. Veniat in mentem quàm fragilis, & ad lapsum  
prona sit humana conditio. Existima accidisse  
per leuem aliquam negligentiam, vel per ten-  
tationis vehementem impulsus: & dic intra  
te: Si talis necessitas me comprehendisset, for-  
tassis ego grauius enormiusque corruissem.  
Reflecte mentis oculos ad teipsum. Puta pecca-  
ta fratris tui esse veluti festucam aliquam exi-  
guam, tua verò esse tanquam trabem immanem,  
propter intolerabilem tuam erga Deum ingra-  
titudinem. Humiliter præcarè altissimum, vt  
& tuis, & fratris tui delictis ignoscat. Non tamè  
dici-

dicimus, ipsa fratrum peccata non esse reprehendenda, inculanda, atque etiam punienda, dū Dei honor & iustitiæ æquitas exigit (ignauia enim non misericordia, est vitia intempestiuè dissimulare) sed animi affectum minus syncerum, damnamus. Qui germanam habet charitatem, commiserescit quidem delinquentium, & eos apud se pie excusat, eos diligit, eos sibi præfert: non tamen temerè illorum peccata dimittit impunita. Quod in alijs corrigere non potes, Deo committe: gemens interim coram illo. Nullius salutem vnquam desperaueris. Nam qui modo pessimi sunt, mox Dei gratia immutati possunt esse sanctissimi. Disce aliorum imperfectiones, æquanimiter tolerare, siue animorum, siue corporum imperfectiones sint. Omnes eundem habemus patrem, omnes eodem sanguine sumus redempti, omnes vnum corpus verè dicimur. Igitur proximorū & mala & bona, tua esse existima: propter illa dole, propter hæc latare, etiā si aduersarij sint ipsi proximi. Inuidentiæ pestis nunquam animum tuum te cōsentiente subeat. Nam si inuides, non diligis: si non diligis, non es ex Deo. Dum alios habere conspicias quæ nō habes, dum plura vel sublimiora gratiarum dona eos accepisse consideras, quàm ipse accepisti, non propterea minus sincere eis afficiare: sed propter hoc ipsum illos magis ama, & spiritum sanctum in eis venerare. Gaude & gratias age Deo: sic enim illorum merita reuera tua efficiuntur, & de alienis coronaberis tãquā de proprijs.

Si dolēs

*Iohā. 13.*

*1. Iohā. 3.*

## CANON VITÆ

Si doles non doleas quòd ipsi boni perfectique sint: sed quòd tu malus sis & imperfectus. Desidera, & annitere esse bonus atque perfectus, sicut vides illos bonos ac perfectos esse. Conscientiam tuam frequenter discute (adhibito tamẽ modo) teque reprehende. Maximẽ in fine diurnarum actionum id facito, priusquam somno te tradas. Recogita apud te serio in quibus eo die deliqueris: & petita à Deo venia, animo propone deinceps peccata vitare diligentius. Commenda te ipsi Domino Iesu Christo, eiusque sacræ genitrici, atque angelo peculiari custodi tuo: & ædito crucis signo, corpusculum in lectulo pudicè compone, sicque somnum placide expecta, pium aliquid mente pertractans. Similiter quando surgis, signum crucis attente exprime, veniamque peccatorum humiliter à Deo postulado: & reiecta inutilium phantasmatum confusione, serium aliquid meditare. Lauda creatorem, gratias age, offer ei animam pariter & corpus, ac precare vt eo die te conseruare dignetur. Sic, sic vitam institue: sic ad æternæ fœlicitatis gaudia festinato.

## CAPVT XXXIII.

**F**orte dicis: Et quid mihi erit spei, qui diuersis animi passionibus sum obnoxius, qui perfectiora assequi nequeo, qui vel minimam vitæ austeritatem, leuissimosque labores sustinere vix possum? Sit ita sane vt sublimẽ cõuersationem exhibere, & dura tolerare nõ queas: sed nunquid non potes bonæ volûtatis esse,  
& Deum



& Deum proximumque diligere? quid enim leuius, quid dulcius, quam diligere? quid contra magis graue & amarum, quam odisse? Quid iucundius, quid facilius, quam bene viuere? quid rursum magis inamoenum & laboriosum, quam Deo derelicto vitijs seruire? Planè ita est: minore negotio nobis cœlum comparare possumus, quam infernum. Si Deum diligis, si bonæ voluntatis es: etiam tu ex numero filiorum Dei es. Iam si es filius, quantumuis sis paruus, eris & hæres. Quid enim? num Dominus magnos filios suos ad regnum admissurus est, & paruos exclusurus? Nequaquam: sed quicumque sunt eius, id est, quicumque charitate insigniti apparent dum hinc emigrant, licet perfectam charitatem non habeant, salui erunt: & aliquando gaudijs cœli perfruentur. Dicit enim scriptura, Omni habenti dabitur & abundabit. Hoc est, cuius habenti charitatem, habenti meritum, dabitur præmium. Non dixit, multum habenti dabitur, parum verò habenti non dabitur: sed, omni (inquit) habenti dabitur, & abundabit. Prorsus aliquando abundabit: quia tantum habebit quantum satis erit, habebit quicquid voluerit. Tantus thesaurus est bona voluntas, vt totus mundus ei æquiparari non possit. Quando vis quidem & desideras aliquid boni perficere, sed nō potes: istiusmodi sancta voluntas, tanquam ipsum opus à Deo suscipitur. Si verò operari potes & non operaris: iam nec voluntatem quidem operandi habes. Pax hominibus bonæ  
F volun-

## CANON VITÆ

voluntatis. Itaque non abieceris animum propterea quòd adhuc imperfectus infirmusque sis: sed humiliare corā Domino, & his qui perfecti sunt absolutam vitæ sanctimoniam gratulare. Potest præstare Deus ut magis crescas. Ipse nōnunquam maiora largitur, quàm homo ausit vel expetere. Nihil dubites: si tuæ saluti conducere, suoque honori congruere viderit, efficiet ut vitiorum rubigines, quas in initijs melioris vitæ vix ferrea (ut ita dicam) lima eradis, postea etiam leuissimo flatu decutias atque propellas. Quod si voluerit te graui certamine exerceri, priusquam ipsa vitia, efferatosque animi motus perfectè in te possis subigere, si inquam etiam vsque ad extremum vitæ terminum domesticos illos hostes tibi molestos esse permiserit, nequaquam mente consternaris, sed plenus fide, patienter manum eius sustine, voluntatemque hilariter amplectere. Licet enim is qui ad tristitiam, indignationem, iram, & consimiles animi passiones naturaliter procliuvis est, magis angatur quàm is qui animum habet naturaliter lætum ac tranquilum: si tamen strenuè obfistit suis perturbationibus, & eas propter Deum æquanimiter tolerat, efficacius purgatur à peccatis, & gloriosior coronam in cælis sibi parat. Nam carnis irritamenta, & vitiorum insultus, quibus impetiti sedulò renitimur, virtutem non adimunt, sed perornant, meritumque adaugent. Facile placidus est, qui internarum turbarum strepitus rarò perfert. Facile hilarius est, cui mœroris tenebræ rarò

rarò sunt molestę. Facile sobrius est, quem ingluuies rarò sollicitat. Facile purus est cuius animi libidinis stimuli atque obscœna illa insomniorum spectra rarò affligunt. Studeto religare ac premere ipsas passiones affectionesque vitiosas. Placide fac quod in te est. Quære, pete, pulsa: sciens piissimum conditorem gratum habere laborem & desiderium tuum. Sæpe enim illi magis placet studiî nostri diligentia qua ad virtutem enitimur, quàm ipsa virtutis suauitas, quam percipimus. Preciosior coram eo est humilis profundaque propriæ imperfectionis agnitio; quàm miraculorum vel aliorum grandium operum exhibitio.

## CAPVT XXXIII.

**V**tinam ipsius Dei amor, presentisque seculi contemptus, ita in te ferueret, vt. verè dicere posses cum Paulo Apostolo, Cupio dissolui & esse cum Christo. Nihil est quod fidelem amantemque animam magis exhilaret, quàm quòd speret se, postquam huius vitæ stadium emensa fuerit, peruenturam ad beatum illum sinum æternæ pacis: vbi nullo amplius vitio inquinabitur: vbi nullo timore, nullo periculo, nulla anxietate, nulla rerum vicissitudine affligetur: vbi plena charitate Deum absque aliquo impedimento laudabit: vbi perfectissime illi placebit, & præter eum nihil amabit: vbi denique tota illum possidebit, & ab illo tota possidebitur. Quum hæc in vita præsentī stabiliter & integrè haberi non possint, mors

## CANON VITÆ

ipsa iustis desiderabilis, vel certè tolerabilis est. Sentiunt enim quàm sit grauis vitæ mortalis hyems: ob idque æstatem vitæ immortalis desiderant. Verè tristis hyems est hæc vita: quam corruptionis propriæ torpor constringit, quam ignorantia caligo obnubilat, quam tot molestiarum, tot laborum, tot ærumnarum imbres irruentes quotidie atterunt. Qui premente hyeme afflictæ suspirant, vbi æstas aduenerit accepta consolatione gaudebunt. Felix illa hora & tempus illud optatissimū, quando cœlestis spon-  
sus animæ sanctæ de carcere corporis egredienti lætus occurrit, eaque blanda alloquutione inuitat dicens, Surge, propera amica mea: iam enim hyems transiit, imber abiit & recessit, flores apparuerunt in terra nostra, vineæ florentes odorem dederunt, & vox turturis audita est in terra nostra. Egredere cum iucunditate filia charissima: nihil trepides, nihil expauescas: euadis exilium, relinquis miseriam calamitosi sæculi. Non iam erit dolor, nec gemitus: deinceps corpus quod corrumpitur non aggrauabit animam: introducta enim in gaudium Domini tui de incorruptionis munere sine fine lætaberis. Sed hæc legens carnalis aliquis, qui rebus visibilibus, vel etiam sordibus voluptatibus consuevit delectari, sibi ipsi fortè dicit, Et quale nam gaudium ibi esse poterit, vbi epulæ commestationes, & carnis amplexus decurrunt? Eheu miser, istiusmodi carnalium delectationum appetitum, non sanitas sed morbus conciliat.

liat. Modo ægrotas, malaq; siti æstuas: quam si explere potueris, fœlicem te arbitraris. Sed ubi simul cum isto corpore etiam morbum deposueris, extinguetur sitis noxia qua iam infœliciter laboras. In futuro seculo qui ad Deum peruenient, veris solidisque delectationibus perfruentur. Non indigebunt corruptibili cibo vel potu, qui Deum possidebunt: pleni enim Deo erunt. Deus erit illis cibus, erit potus, erit quicquid optauerint: omnia in eo habebunt, cuius visione satiabuntur. Videbunt semper, satiabuntur semper: & semper videre semperque satiari desiderabunt. Sine anxietate desiderabunt, & sine fastidio satiabuntur.

## CAPVT XXXV.

**O**Vita æterna, ô patria amabilis, ô cœlestis Hierusalem, de te quid scribitur? quid dicitur? quid creditur? in te est bonum illud, gaudiû illud, solatiû illud, quod oculus nō vidit, quod auris non audiuit, quod cor humanum comprehendere nō potest: ob quod tot martyrum legiones mortem animo paratissimo susceperunt. Portæ tuæ electissimis nitent margaritis: plateæ tuæ mundissimo sternuntur auro: muri tui præciosissimis constant lapidibus. In te inæstimabiles hortuli & amœna tempe semper virent, in te perennes flosculi, ac violæ iugiter vernant, in te cinamomum & balsamum ineffabilem suauitatis odorem indefinenter spirant: omnium rerum species in te sine defectu vigent, sine transitu permanent, sine cor-

F iij ruptio-

## CANON VITÆ

ruptione consistunt, sine mutabilitate sempiternæ sunt. In te est temperies & serenitas omnem captum humanum excedens: in te est pax & requies omnem sensum exuperans. In te est dies æternus, & vnus omnium spiritus: in te est certa securitas, & secunda æternitas, & æterna tranquillitas, & tranquilla fœlicitas, & fœlix suauitas, & suavis iucunditas: in te fulgent iusti sicut sol. Nihil quærere, nihil desiderare, nihil amare quis poterit, quod in te non inueniat. Id solum quod non est, in te non est. O quantum incontaminatæ lætitiæ pelagus, quantus syncerissimæ voluptatis torrens, quanta purissimæ delectationis abyssus est, videre Deum deorum in Sion, cernere incomprehensibilem illam summæ Trinitatis gloriam: inæstimabilem illam pulchritudinem clarissimè contemplari, ineffabilemque illam dulcedinem perfectè gustare, vnde omnis pulchritudo & dulcedo rerum creatarum promanat: beatissimam Dei genitricem intueri: angelorum choris interesse: cum sanctis Patriarchis & prophetis, cum sanctis Apostolis & martyribus, cum sanctis confessoribus virginibusque perpetuum habere consortium: omnes cœli ciues agnoscere, & singulis fœlicitatem æternam gratulari. Dilige hanc beatitudinem, & ad eam frequenter suspira. Ipsam quidem oculis istis carneis modo videre nō potes: sed oculis fidei, vtcunque percipere potes. Crede quod non vides, vt aliquando merearis assequi quod credideris.

**CAP.**

## CAPVT XXXVI.

**A** Mare desine quæ mundi sunt: & recessum  
è mundo grauatim non feres. Verum tu  
fortè nihil iam in ipso hoc mundo ma-  
gnopere diligis, nihil possides, quod relinque-  
re paratus non sis: angit te tamen adhuc pauor  
nescio quis, propterea quòd ignores, quomo-  
do te migrantem Deus excepturus sit, vtrum  
ad æternam paradisi requiem, an ad transitoriam  
purgatorii pœnam. Non est necesse te aliquid  
horum scire. Ista certitudo tibi sufficiat, quod  
habeas Dominum piissimum, qui peccata mise-  
ricorditer delet, qui bonam volùtatem tribuit,  
qui & potest & vult saluare te, si humiliatus con-  
fidas in eo, non in te. Ex consideratione immen-  
sæ bonitatis eius, concipe fiduciam salutisquæ  
expectationem. Semper vigila, semper quan-  
tum in te est lumbos habeto præcinctos, & lu-  
cernam ardētem: vt quum venerit Dominus ac  
pulsauerit, cōfestim ei aperias. Maximè verò ho-  
ra mortis euidenter appropinquante, sedulo te  
ad fœlicem exitum præpara. Expedi cor tuum  
à curis & solitudinibus huius seculi: sacramen-  
ta pro viatico grata mente suscipe: & animã tuã  
humiliter Deo commenda. Recole passionem  
piissimi Redemptoris tui: beatam eius crucē in  
spiritu amplectere, osculare rosea illa vulnera,  
tequæ totum in eis imprime. Præcare Iesum vt  
suo præcioso sanguine vniuersa peccata tua de-  
lere dignetur. Commenda te etiam sacratissimæ

F iij eius

Matth. 26

eius genitrici virgini Mariæ, cæterisque cœli ci-  
uibus, illis potissimum, quorum venerationi pe-  
culiarius fuisti addictus. Sanè si Mariâ ex cor-  
de inuocaueris, si ad eam humiliter & confiden-  
ter te conuerteris, ipsa introitum regni, quem  
tua iniquitas iustitiæque diuina tibi fortè occlu-  
debat, aperiet: mater enim misericordiæ & por-  
ta paradisi est. Quamuis in te fluctuet & trepi-  
det naturæ infirmitas, quamuis horror mortis  
sefe ingerat, quamuis dolorum aculei pungant,  
& cruciatus vndique torqueant: tu tamen pa-  
tientiam serua, & persiste in sancta spe, sancta-  
que erga Deum fiducia. In omnibus abnegate, &  
trade ipsi Domino, subinde dicens cum Chri-  
sto sub mortem pauente ac mœrente, Pater fi-  
at voluntas tua. Sic enim requiem atque refri-  
gerium inuenies. Nō tibi videatur durum cor-  
poraliter mori, quum ipse Christus mortem car-  
nis subierit. Ille præcessit & veluti viam strauit,  
commodamque reddidit, ne te pigeret sequi: il-  
lius igitur mors, mortem tuam soletur. Cor-  
pus istud corruptibile quod relinqs, vile quod-  
dam vestimentum modo est. Quid ad te si com-  
putrescat, si in cinerem & fauillam redigatur vbi  
illud deposueris? Securus exue vestem, quam  
Deus tuus aliquando restituet tibi integram, ful-  
gidam, atque incorruptibilem. Vt autem absque  
periculo præteruoles diaboli laqueos, & fœli-  
citer effugias eius insidias, quibus nōnunquam  
migrantes affligere solet, interim dum adhuc  
compos es sensuum tuorum, potes mente vel  
etiam



etiam lingua contestari te ex animo ignoscere omnibus qui tibi aliquando molesti fuerunt, & cupere in ea fide vitam hanc finire, in qua conuenit obedientem sanctæ matris Ecclesiæ filium mori: te credere vniuersa, quæ à veris, orthodoxisque Christi fidelibus credenda sunt: & si quid vel impugnatione diaboli, vel violentia morbi huic proposito contrarium fortè cogitares, loquereris, aut faceres, te nullo pacto assentiri tali absurditati. Hac protestatione facta, deinceps omnia impietatis susurria, quæ diabolus obgannierit, contemne & irride, imò verò nec animaduertas quidem ea si fieri potest. Con fide in Domino, innitere ei: omnem cogitatum tuum, omnem formidinem, quin & te ipsum totum in eum humiliter projice. Hoc enim illi gratissimum est, hoc abs te summopere expetit: ob idq; dicit in Psalmo, Quoniam in me sperauit liberabo eum. Non te fallat pater tuus, non te reiciet tui amantissimus: sed proteget te. Eo autem protegente, nullus iam erit qui nocere possit.

*Psalm. 90.*

## CAPVT XXXVII.

**P**otissimam salutis spem non tam in meritis bonorum operum quæ fortè egisti, quàm in meritis ac miserationibus Iesu Christi constituas. Veruntamen si vel ad diffidentiam vel ad desperationem importunè animum sollicitauerit inimicus, oportunè obijcies illi ea quæ gratia Dei in te perfecit: sed præcipuè obijce passionem dominicam, obijce mortem commu-

F v nis

## CANON VITÆ

nis redemptoris. Prorsus agnosce te peccatorem, & miserum esse quantumcunque etiam in perfectione vitæ profecisse videaris. Nam ubi aut nullam, aut certè vnicam maculam in te animaduertis, Deus fortè sexcentas, vel etiam multo plures deprehendit. Tu per teipsum salutem non consequeris: ceterum apud Deum omnia suntabilia. Si bonæ voluntatis es, si Deum amare cupis, in eo diues es, licet alioqui in te admodum pauper ac nudus. Potes enim humiliter tibi vsurpare ea quæ ille pro te fecit ac pertulit. Tibi homo factus ex utero virginis intemeratæ prodijt: tibi laborauit, tibi ieiunauit, tibi vigilauit & orauit, tibi persecutiones, iniurias, opprobria, ludibria, flagella, dolores & angustias pertulit: tibi sanguinem fudit & animam posuit, tibi resurrexit, & in cælum ascendit. Iam si cum tantis meritis Dei tui, tua atque adeo vniuersa omnium hominum peccata comparaueris, quid erunt? Quid enim erit granulum arenæ, si cum monte cælum & terram circumquaque implente conferatur? Hæc dicuntur, non ut superbè confidas: sed ne humilis factus diffidas. Non hi duntaxat ad Deum perueniunt, qui vel diu sanctè vixerunt, vel magnam vitæ austeritatem præstiterunt: sed quicumque cor contritum & humiliatum exhibent, ab ipso clementer respiciuntur suscipiunturque, quantumuis etiam modico tempore bene vixerint. Latro ille in cruce pendens, quàm breuem pœnitentiam egit: & quàm repenti salutem æternā conse-

consequutus est? Sed esto: non obtingat sanè omnibus qui serò pœnitentiam agunt, id quod illi obtigit (neque enim omnes sic affecti sunt, sicut ille affectus fuit) multum tamen est vitæ correctionem hic vel inchoasse. Qui enim in hac peregrinatione vitam corrigere inceperit, sed morte interceptus correctionem consummare non potuerit, nequaquam peribit: vtpote in quo fundamentum charitatis Dei permanferit. Et quamuis adhuc purgari debeat priusquā pleno illo æternæ beatitudinis gaudio perfruatur, interim tamen certæ spei non destituetur solatio.

## CAPVT XXXVIII.

**Q**uid hac Dei promissione liberalius? In quacunque, inquit, die, conuersus fuerit impius ab impietate sua, nō nocebit ei impietas eius. Non ait, si biennio, si bimestri, si biduo ante mortē cōuersus fuerit: sed in quacunque die conuersus fuerit, in quacunque die ingemuerit, salu<sup>9</sup> erit, modo verè recteq; ingemiscat. Licet igitur insipiens cogitatio tua obmurmuret atq; obstrepat, clamitans vitam tuam talem non fuisse vt sperare debeas te peruenturum ad æternam illam gloriam: responde cum sancta humilitate & pia fiducia, Scio cui credidi, scio me ineffabili charitate adoptatum esse in filium. Licet Domino facere quod vult. Vult autem misereri, vult saluare: quia sic decet eius clementiam atque bonitatem. Non multitudo, non enormitas peccatorum meorū, non miseria quo-  
tidia

## CANON VITÆ

tidianæ fragilitatis meæ me terrere potest, dum  
 illius incarnationem, passionē, ac mortem me-  
 moria repeto. Ipse me redemit, ipse sanguinē  
 fudit, ac moriendo debitum exoluit. In immen-  
 sum maior est eius misericordia, quàm sit aut  
 esse possit mea iniquitas. Sacrosancta illius vul-  
 nera testantur me esse reconciliatum, si verè me  
 poenitet iniquitatum, si verè eum diligere con-  
 cupisco. Beata sua brachia in cruce expandit,  
 vt me peccatorem suscipiat atque complecta-  
 tur: ego inter illa, & viuere & mori desidero.  
 Video in Deo meo carnem meam: vbi portio  
 mei glorificata est, ibi me iam gloriosum esse  
 confido. Et quamuis mea iniquitas ab hoc glo-  
 rix consortio me repellat, naturæ tamen com-  
 munio ad illud admittit. Non est tam inhum-  
 nus Dominus, vt non diligat membra sua, visce-  
 ra sua. Misericordia eius, singulare meum meritum.  
 Quàm diu ille non desierit esse misericors, non  
 sum inops meriti: quod si misericordix eius  
 multæ, diues ego quoque sum meritis. Quis-  
 quis pius Dei cultor & orthodoxus Ecclesiæ ca-  
 tholicæ filius est, eo modo sese sub mortem  
 confirmare potest, aduersus omnem despera-  
 tionis impulsus: tu igitur talis esto. Porro  
 vtrum domi, an foris, vtrum in lectulo, an in a-  
 gro, vtrum placido an violento mortis genere  
 hinc emigraturus sis, ea res non multum te so-  
 licitet neque angat. Fieri non potest vt male mo-  
 riatur, qui bene vixerit. Qualicunque morte is  
 preoccupetur, erit in refrigerio: siue igne, siue  
 aquis,

aquis, siue ferro, siue tormentis, siue bestiarum incurfibus, siue elementorum tempeftatibus, siue apoplexia, siue peste, siue subito, siue non subito, siue multis altantibus, siue nullo præsente vitam finiat. Tu igitur diuinæ prouidentiae te totum crede: & bene viuens mortem latus expecta. Qua præsente, egredere securus ad patrem benignissimum, exoptans vt non minus in æternitate, quàm in tempore vtatur te quem admodum voluerit. Egredere inquam, non tanquam carceri crudeliter ab eo mancipandus: sed tanquam sinu misericordiae piè suscipiendus atque fouendus. Hunc canonem frequenter relege, & ad eum vitam tuam sedulo examina: vt quid in te minus rectum sit facile agnoscas, agnitumque protinus corrigas.

## PRECATIO.

**M**ISERERE mei Deus secūdum magnam misericordiam tuam: & secūdum multitudinem miserationū tuarum dele iniquitatem meam. Ego vilis vermiculus & inutilis peccator supplici mente adoro te, totōque cordis affectu pietati tuæ gratias ago ô pater cælestis, qui per vnigenitum filium tum Dominum nostrum IESVM Christum cooperante spiritu sancto, quum perissemus misericorditer requisisti nos. Gratias ago pro inenarrabili tua erga nos dilectione, qua ipsum vni-  
genitum

genitum tuum, è sinu diuinitatis tuæ in hanc val-  
lem miseriæ nostrę descendere voluisti, vt pecca-  
tores saluos faceret. Constituisti eum instaura-  
torem animarum, vt omnis qui credit in illum,  
omnis qui per sanctam charitatem illi placere  
studet, habeat vitam æternam. Misisti eum ad nos  
doctorem optatissimum, qui depulsis ignoran-  
tiæ tenebris veritatem annuntiaret, & mentes  
nostras agnitione sanctissimi nominis tui illu-  
straret. Misisti eum ducem pijsimum, qui iter  
rectum ostenderet, & omnem virtutem, omnis-  
que virtutis perfectionem in se demonstraret.

Misisti eum auxiliatorẽ fortissimum, qui princi-  
pem tenebrarũ regno diu vsurpato deturbaret,  
& fractis omniũ hostiũ nostrorũ viribus, ignea-  
que romphæa ab introitu paradisi remota, cre-  
dentibus cœlum aperiret. Mi pater dulcissime,  
ego vltimus seruorum tuorum ex penitissimis  
animæ meæ medullis gratias ago pro sancta eius  
incarnatione & natiuitate, pro eius paupertate  
& innocenti conuersatione, pro eius passione  
& morte, pro eius resurrectione & ascensione,  
pro vniuersis eius documentis atque operibus.

Gratias ago pro mysterio viuifici corporis  
ac sanguinis illius, quo in Ecclesia tua pascimur,  
potamur, abluimur, sanctificamur, & summæ  
diuinitatis participes efficimur. Gratias ago  
quod regeneraueris nos in spem viuam per re-  
surrectionem eiusdem vnigeniti tui, quodque  
per ipsum adoptaueris nos in filios, signās men-  
tes nostras spiritu sancto, & donans nobis pi-  
gnus

gnus hæreditatis æternæ. Gratias ago pro omnibus miserationibus inexhaustæ bonitatis tuæ, quibus dignatus es nobis indignis subuenire per eundem vnigenitum tuum redemptorem nostrum: faciens nos tibi genus electum, regale sacerdotium, gentem sanctam, populum acceptabilem sectatorem bonorum operû. Gratias ago quòd me nullius momenti puluisculum per lauacrum sacri baptismatis ab originali culpa emundaueris, prorsusque purgaueris, ac rectam fidem donaueris: quam etiam augere non desinis per illuminationem gratiæ tuæ, & cohortationes sanctorum patrum, atque institutionem matris Ecclesiæ. Gratias ago quòd ab ipso vitæ meæ exordio me semper nutriuisti, vestisti, ac fouisti suppeditas omnia, quæ huic corpusculo sunt necessaria. Gratias ago quòd à puero me per vniuersa ferè scelera diuagantem atque lasciuientem patienter tolerasti, expectans donec gratia tua resipiscerem. Nam si mecum sicut commerueram agere voluisses, iam olim anima mea infinitis peccatis, culpis, & negligentis onusta perisset: meque viuum terra dehiscens absorbuisset. Gratias ago quòd me à periculoso seculi huius consortio, & peccandi occasionibus segregatum, adiunxeris seruis tuis fidelibus, oportunitatemque tibi seruiendi concesseris. Gratias ago quòd ex innumerabilibus insidijs, tentationibus, angustijs, tribulationibus, & periculis, me hæctenus liberaueris: dirigens, conseruans, ac protegens animam meam

## CANON VITÆ

meam & corpus meum misericorditer, vitæque meæ ordinem inter prospera & aduersa mirabiliter dispensans. Pater suauissime pro omnibus quæ mihi largitus es à primis cunabilis infantia meæ, & pro vniuersis bonis quæ quibusuis hominibus vnquam dedisti, ac daturus es, ego ex intimis præcordiis viscerum meorum sicut possum tibi gratias ago: precorque vt pariter omnes spiritus angelici, atque omnes sancti & electi tui, te pro eisdem beneficijs laudent & glorificent in æternum. Ego quicquid gratiarum abs te accepi, tibi commendo: serua quæso dona vltroneæ beneficentiæ tuæ. Non mihi, non diabolo, non alicui creaturæ liceat illa subuertere. Attrahe me virtute omnipotentia tuæ, & vndique constringe: ne ego proprio sensu propriaque voluntate libere vtens, corruam in conspectu aduersariorum meorum, & deorsum præcipiter. Nonnunquam me mihi relinquant, sed frenum casti timoris tui maxillis animæ meæ immitte, quo iugiter regar & continear. Vbique paternam mei curam gere, & tentationes quæ obueniunt sic tempera, vt ex eis proficiam non deficiam: tu enim nosti quàm fragilis sim, & quàm nulla sit virtus mea. Si me deseris non possum nisi peccare, inquinari, obdurescere, obtenebrari, mala malis addere, & in profundum extremæ iniquitatis demergi. Dum prospera blandiuntur, gubernare me: dum aduersa premunt, adiuvare me: dum gaudeo, custodi me: dum tristis sum, consolare me. Nunquam permittas seruum  
tuum



tutum nimio mœrore, nimiaque pusillanimitate absorberi: sed sancta & perpetua erga te fiducia stabili cor meum. Cinge me vndique protectionis tue muro inexpugnabili: muni me virtutis tue armatura impenetrabili. Beati angeli tui iugiter defendant animam & corpus meum adversus dolos atque insultus inimici. Pie pater rogo te per incomprehensibilem misericordiam tuam, ut nunquam in me dirisimam superbia pestem dominium aut locum habere patiaris.

Obtestor te exorabilis pater, per venerandam humilitatem vnigeniti tui, ut repellas à seruo tuo omnem animi fastum & arrogantiam, omnem ostentationem & insolentiam, omnem inanis gloriæ appetitum & protèruiam, omnem contentionem & pertinaciam, omnem iniquum ausum & inobedientiam, omnem furorem & amarulentiam, omnem dolum & simulationem vitiosam. Nullum vnquam vani elatiquæ animi signum in me appareat. Prosterne & prorsus contere sub pedibus famuli tui spiritum tumoris & cenodoxiæ, spiritum ingluuici & lasciuix, spiritum turpitudinis & socordiæ, spiritum crudelitatis & iracundiæ, spiritum odij & inuidentiæ. Nunquam me efferam de donis misericordiæ tue, nunquam aliquem despiciam, nunquam alicui me præponam, nunquam me aliquid esse existimem. Oro Domine, ut sicut sanctos angelos qui tibi, non autem superbo spiritui adhæserunt confirmasti in gratia tua, ita me

G in con

## CANON VITÆ

inconcussa inuiolabiliq̃ue firmitate stabilire digneris in profunda humilitate: adeo vt cor meum nec velit, nec possit vnquam erigi per superbiam. Deprime sensum meum, & interioris hominis ceruices: vt ego tibi subiectus atque obtemperans fœliciter huius peregrinationis iter conficiam, & ad te aliquando perueniam. Sim semper paruulus in oculis meis, vitam agens per omnia tibi placentem. Te reuerear, te offendere formidem, tibi nihil præferam Ecclesiæ tuæ vicariorumq̃ue tuorum præceptis cū omni humilitate & animi promptitudine obediam; aliorum consilijs salutaribus acquiescam: piorum iudicium meo iudicio anteponam.

Tribue mihi virtutem calcandi inuisibilem leonem & draconem, aspidem & basiliscum, effugiendiq̃ue omnia venena, & omnes insidias diaboli. Mina me, & trahere post te tanquam māsuetum animal: efficeq̃ue vt nunquam aduersus tuam voluntatem recalcitrem, sed plano gressu absque aliqua quærimonia aut murmuratione te infatigabiliter sequar. Excita quæso, excita tarditatem meam stimulis gratiæ tuæ, vt omni torpore excusso tibi corde paratissimo famuler. Imaginem tuam in me semper clarā ac fulgentem cōserua, alens in intimis meis fidem integram, immaculatam, orthodoxam, feruentem, cunctisq̃ue virtutibus ornatam, quæ mundum contemnat, cœlum attendat, præsentia negligat, æterna suspiret, & inter quasuis tentationum

num

num atque persequutionum procellas insuperabilis tuo munere perseueret. Indue me veste nuptiali, sancta charitate: vt diligam te Dominum Deum meum ex toto corde meo, ex tota anima mea, & ex totis viribus meis: tibi que ita copuler, vt nullo rerum euentu abs te vnquam separari possim. Elangueat & prorsus pereat in me inordinatus amor rerum transcurrentium: tu solus palato animæ meæ sapias, solus me lætifices, solus interiora mea possideas. Concede vt præpositos, seniores, fratresque meos, synccere semper amem. Omnes verè diligam: amicos in te, inimicos propter te. Da Domine, da seruo tuo cor humile, cor contritum & tractabile, cor sobrium, castum, immaculatum, beneuolum, mansuetum, tranquillum & serenū. Da cor prudens, cor sacro ardore æstuans, corde fratribus bene sentiens: cor in aduersitate & peccatis aliorum dolens, in prosperitate & meritis exultans: cor flens cum flentibus, & gaudens cum gaudentibus. Ipsum cor meum præfractum ac saxum scinde tua potenti virtute, & altius penetra tua suauis vnctione: reddens illud ita pium, molle ac tenerum, vt semper & ex commiseratione alienæ calamitatis resoluatur, & ex recordatione inenarrabilis dulcedinis tuæ colliquescat. Præpara mihi egeno & pauperi mensam sanctarum lachrymarum: vt eis nutriar ad laudem nominis tui. Lugeant præcordia mea die ac nocte, propter vulnera animæ meæ & pro-

G ij pter

pter intolerabilem iniquitatem meā. Oculi mei  
 tua visitatione perculsi, deducant fontem aquæ  
 placidè manantem ex grandi amore tui, ex fla-  
 granti desiderio patris cœlestis. Ne quæso mihi  
 extremæ ouiculæ tuæ deneges portiunculam hu-  
 ius optatissimæ gratiæ, qua patres meos effusissi-  
 ma liberalitate perornasti. Quid aliud quàm in-  
 terno gelu obrigere scire possum, nisi tu benedi-  
 ctionis tuæ beneficium impendas? Faue Domi-  
 ne, faue votis meis: & terram cordis mei sterilem  
 atque aridam, conuerte in fertilem & irriguam.  
 Ecce ego pro eiusdem cordis mei odiosa duri-  
 tia humiliter offero tibi cordis vnigeniti tui pic-  
 tatem gratissimam: hæc illam expiet, & te placet  
 ô pater clementissime. Da mihi inuictam in om-  
 nibus quæ molesta sunt patientiam: da mentem  
 vsque adeo innocentem, quietam, mitem & be-  
 nignam: vt neq; malum cogitare, neque in aliquẽ  
 iniurius esse, neque ob alicuius improbitatem  
 perturbari, neque erga aliquem male affici pos-  
 sim: Da vt imperfectionem, infirmitatẽ, & igno-  
 rantiam aliorum æquanimiter feram, omnium  
 miserear, omnes honorem, omnibus ex animo  
 bene velim. Concede mihi humilem verecun-  
 diam, concede sanctam cordis vigilantiam, perfe-  
 ctamq; linguæ continetiam: vt neminem damne,  
 nemini obtrectem, neminem irrideam, & praua  
 atque indigna quæque loqui horream. Non me  
 leuiter occupem circa fratrum mores ac vitia:  
 sed mihi tibi que intendam. Effrenes, inordina-  
 tos,

tos, præcipientesq; animi impetus à me propelle:  
 vt ea quæ agenda sunt, oportunè, tranquillè, &  
 composite, in tuo nomine aggrediar ac perficiam. Largire mihi pater indulgentissimè, largire semper sanctæ quietis atque vacatationis secretum. Non permittas me turbulento maligni huius sæculi strepitu vexari, neque improbis rerum externarum occupationibus distrahi: sed expedi spiritum meum ab omnibus impedimentis, vt tibi liberè seruiam. Quàdiu carcere corporis huius detineor, hæc sit pars mea, hæc consolatio exilij mei, vt ego ab inquietis curis prorsus absolutus, & tuo cultui totus deditus, tibi vacem, tuas laudes decantem, in te exultem, tibi adhæream, in te conquiescam: fugiam, secedam, sedeamq; in silentio, excipiens pacato animo doctrinam cœlestis sapientiæ. His studiis lædium peregrinationis meę mitigem, hæc ratione finem calamitosæ huius vitæ æquanimiter expectem. Tu præsta pater misericordiarum Deus meus, vt in ipso mortis articulo tam purus coram te inueniar, quàm purum me in baptismo esse præstitisti: vt corpore exutus, mox te videre atque in æternum glorificare merear, meritis dulcissimę genitricis

Dei virginis Marię singularis aduocata meę, & intercessionibus omnium sanctorum tuorum.

A M E N.

G iiij

IVBI

CANON VITÆ  
IVBILVM  
AMANTIS ANI-

MAE, IN OCTO HYM-  
nos rhythmicos di-  
uisum.

HYMNVS I.



Esu dulcis memoria,  
Dans vera cordi gaudia:  
Sed super mel & omnia  
Eius dulcis praesentia.  
Nil canitur suauius,

Nil auditur iocundius,  
Nil cogitatur dulcius,  
Quàm Iesus Dei filius,  
Iesu spes pœnitentibus,  
Quàm pius es petentibus,  
Quàm bonus te quærentibus,  
Sed quid inuenientibus?  
Iesus dulcedo cordium,

Fons

Fons veri, lumen mentium,  
Excedens omne gaudium,  
Et omne desiderium.

Nec lingua valet dicere,  
Nec litera describere,  
Expertus potest credere,  
Quid sit, Iesum diligere.

## HYMNVS II.

**C**VM Maria diluculo  
Iesum quæram in tumulo;  
Cordis clamore quæro,  
Mente quæram non oculo.

Tumbam perfundam fletibus:  
Locum replens gemitibus:  
Iesu prouoluam pedibus,  
Strictis hærens amplexibus.

Iesu stringam vestigia,  
Et flendo figam labia:  
Vt detur mihi venia,

Atque perfecta gratia.

Mane nobiscum Domine:  
Pulsa mentis caligine,

## CANON VITÆ

*Cæcos illustra lumine,  
Mæstos reple dulcedine.*

*Quando cor nostrum visitas,  
Tunc lucet ei veritas,  
Vilescit mundi vanitas,  
Et intus feruet charitas.*

## HYMNVS III.

**A**MOR Iesu dulcissimus,  
Et vere suavissimus,  
Verè pijs gratissimus,  
Id loqui non sufficimus.

*Hoc probat eius passio,  
Et sanguinis effusio,  
Per quem nobis redemptio  
Datur, & Dei visio.*

*Iesum omnes cognoscite,  
Amorem eius poscite:  
Ipsam ubique querite,  
Quærentes inardescite.*

*Iesus rex admirabilis,  
Et triumphator nobilis,  
Dulcedo ineffabilis,*

*Totus*



*Totus desiderabilis.*

*Iesus author clementiæ,  
Totius spes lætitiæ,  
Amoris fons & gratia,  
Vera cordis delitiæ.*

### HYMNVS III.

**T***VA* Iesu dilectio,  
Grata mentis refectio:  
Replet sine fastidio,  
Dans famem desiderio.

*Qui te gustant esuriunt:  
Qui bibunt, adhuc sitiunt:  
Desiderare nesciunt  
Nisi Iesum quem diligunt.*

*Quem tuus amor ebriat  
Novit quid Iesus sapiat:  
Quàm felix est quem satiat,  
Non est ultra quod cupiat.*

*Desyderate millies  
Mi Iesu quando venies?  
Me letum quando facies,  
Ut vultu tuo saties?*

*Tum*

# CANON VITÆ

Tuus amor continuus,  
Mihi languor aſſiduus:  
Tu totus es mellifluus,  
Fructus vitæ perpetuus.

## HYMNVS V.

**I**ESV ſumma benignitas,  
Mira cordis iocunditas,  
Incomprehenſa bonitas,  
Tua me ſtringit charitas  
Bonum mihi diligere  
Ieſum, nil ultra quereve,  
Mihi prorsus deſicere,  
Vt illi queam viuere.

O mi Ieſu dulciſſime,  
Spes ſuſpirantis anime,  
Te pie quærunt lachryme,  
Et clamor mentis intimæ.

Quocunque loco fuero  
Mecum Ieſum deſidero:  
Quàm letus quum inuenero,  
Quàm ſœlix quum tenuero.

Tunc amplexus, tunc oſcula,

Que vin-

*Quæ vincunt mellis pocula:  
O quàm beata copula:  
Sed in his parua morula.*

## HYMNVS VI.

**I** AM ecce iure gaudeo:  
Nam quod cupiui teneo,  
Amore Iesu langueo,  
Et corde totus ardeo.

Iesusquum sic diligitur,  
Dilectio non perditur,  
Non tepescit, non moritur,  
Plus crescit & accenditur.

Hic amor ardet dulciter,  
Dulcescit mirabiliter,  
Sapit delectabiliter,  
Et delectat feliciter.

Hic amor missus cœlitus,  
Hæret mihi medullitus,  
Mentem incendit penitus,  
Hoc delectatur spiritus.

O beatum incendium,  
O ardens desyderium,

O dulce

Salve Iesu rex inclyte.

## HYMNVS VIII.

**R**EX virtutum, rex gloria,  
Rex insignis victoria,  
Pelle nubem tristitiæ,

Et confer lucem gratiæ.

¶ Iesus decus angelicum,

In aure dulce canticum,

In ore mel mirificum,

In corde nectâr cœlicum.

Iesus in pace imperat,

Quæ omnem sensum superat:

Hunc mea mens desyderat,

Et illo frui properat.

Iesus ad patrem redijt,

Regnum cœleste subiit:

Cor meum à me transijt,

Atque post illum abiit.

Sis Iesu meum gaudium,

Qui es futurus præmium:

Tibi laus, honor, gloria,

Per cuncta semper secula.

AMEN.

Nos

## CANON VITÆ

Nos hic potuissimus adijcere plures orationes pias, sed eas alteri libello reservamus: habemus enim in votis, (Deo propitio) ædere aliquando Cimiarchion precularum, ad ipsius Dei gloriam, & eorum qui Deo dediti sunt utilitatem.

*CANONIS VITÆ SPIRITUALIS FINIS.*